


GRAD
PL
6058.9
.L67
1908
BUHR

"APO - APO"


(zarzuela)

LOPEZ

MANILA: 1908



TN-34



"APÔ-APÔ"

— (ZARZUELA) —

"Kung sinong Apô-Apô"

(KASAYSAYAN.)

Pantaleón S. Lopez

MAYNILA



LIMBAGAN NINA FAJARDO AT KASAMA

Daang Carriedo Blg. 101, Sta. Cruz

1908.

Ito'y aring tunay ni G. **Pan-
taleón S. Lopez**, paghaha-
bulin sa alin mang hukuman
ang mrgpalabas sumipi, magbili
sa alin mang lugal, magsalin sa
ibang wika ng siya'y walang
kapahintulutan; kung walang ta-
tak ó timbre ay paghahabulin
din niya ang mag-ari ng kina-
tatalaan ng mga Obrang: "**Apô-
Apô**" (Zarzuela) "**Kung sinong
Apô-Apô**" (Kasaysayan.)

ANG MAY-ARI.

Zarzuelang tagalog na may isang bahagi,
katha ni P. S. Lopez, at tugtugin ni Mateo
Varios na pinamagatang:

“APO-APO”

MGA TAO SA OBRA. — MGA ARTISTA.

Soledad	G. Máxima Gonzales.
María	Bb. Petrona Polintan.
Ludovico	G. P. S. Lopez.
Tio Agong.	» F. P. Ballecer.
Bakokoy	» Juan Bernabe.
Tio Pedro.	» E. Peña.
Totong	» F. Peña.

KAPISANAN NG PANDAY.

Grad

PL

6058.9

667

908.

Bulir

grad
30291327
SEA 1
K. 195-100



Tanging bahagi

*Pagbubukas ng tabing mamamasid ang isang
taller ng pandayan si Ludovico at mga panday.*

ESCENA I.

MUSICA No. 1.

COROS.—Itong ating kabuhayan
ang mag panday gabi't araw
siyang tanging kabuhayan
ng kapatid at magulang.

LUDOVICO.—Kapalara'y sinakbibi
kabuhayay kinandili
at guinhawa'y humalili,
palad nģaning tantong api.

CORO.—Bawat palo nģa sa bakal
ng martillong nasa kamay
pawis nag tagtagastasan
sa katawang ng lulumay.
hot, hot, hot,

SALITAAN.

ALONG.—Luduviko kapatid ko:

dahil saiyo ay diko maikakailâ na ako'y guminhawâ sanhi sa mabuting iyong pamamanihala nitong aking kabuhayan.

Vico.—Diko po itinuturing.,

AGONG.—Sa gayon ay maraming salamat *aalis*.

PEDRO.—Kaibigan ayon sa kainaman mong ugali dika sukat mag tiwalâ ng labis sa ating apô-pôan, sapagkat dinguin mong madalas asalin niyan:

Iyan ay walang ugaling makisama sa di niya mauulól, at marunong gumalang sa matwid, siya,i, di mopa kilalâ dahil sabago kapang nakakasama gaano nabang panahon ang iyong pagkalagay dito?

Vico.—Dalawang taon lamang.

PEDRO.—Gasino na ang dalawang taon? ako'y nakilala ko pati inunan niyan at sa katanayan, iyan ay pang-ulo ng isang tungkos na inútil at walang ini-isip kung di ululin ang mga kaawa-awa, walang bigóng kilos na di pinagkakagasta; at ang bawat hindi umamin sa linsad niyang paraan ay tuturang walang pag-ibig sa lupang kinamulatan.

Vico.—Katoto: masalág ko ang iyong pangungusap, si Tio Agong ay walang kasalanan, sapagkat sa bayang walang napakukutos, ay walang mangungutos, tuturan mong siya'y pangulo ng isang kapisanan. Hindi mo ba natatalos yaong wika: Na sa bayan ng ulok walang Hari kundi ang gungong? Kaya wala sa gunam-gunam ko ang ako'y kani-

yang pagtaksilan.

PEDRO.—Ito'y sinabi ko lamang, huag mong li-
limutin yaong wika: na ang mapagkatiwala
madalas mapanganyaya iyong tatandaan *aalis*.

Lalabas si Soledad Malungkot.

ESCENA II.

SOLEDAD.—Guiliw kong asawa! bagaman, t, mahapdi,
sapuso, t, panimdim ang isasangunî,
pag iinutan ko, na maimungkahî
sabahay naito'y huag mamalagui.

VICO.—Ikaw'y asawa ko ano mang masapit
ikaw lang ang tanging sa dib-dib naguhit
nag papagal ako kasi ko at ibig
sa iyo ang dahil.....

SOLEDAD.—Dinguin mo ang sulit:
Ibig kong sa bihin ngayong ipamalay
sa iyong kasamá ikaw i, humiwalay.

VICO.—Ang lahat mong sabi aking hahadlangan
pagkat diko ibig at di katuiran.
Ako'y kilalá mong inanák sa pagod
sapagtatrabaho'y nabuhos ang loob
ang pandayang ito kung kaya lumusog
ay dahil sa akin.

SOLEDAD.—Maawain kong Dios!

VICO.—Talastas mong dati ang aking puhunan
sa pandayang ito'y madlang kapaguran
ngayong sumapit na ang pakikinabang
manghihikayat kang akoy humiwalay.

SOLEDAD.—Dinguin aking guiliw itong isasaad

na sa pagkahimlay aking na pangarap
ang taksil na Agong magdarayat suka
at sa may asawa ay nangungulimbat.

Tangi pasarito ang dulong himutok
ng nag bigay agam aking bungang tulog
kahiman daw langit ang iyong idulot
kagantiha'y lason.

Vico.—Bibig mo'y itiklok *aalis si Vico*

MUSICA No. 2.

(2 ulit) (Anong saklap na damdamin
itong aming nararating
ang asawang guiniguliw
walang tiguil sa pagdaing) (2 ulit.)

(2 ulit) (Oh! Bathalang lubhang mataas
asawa koy iyong iligtas
sa mga madlang bagabag
malayô sa tanang hirap.) (2 ulit).

SALITAAN.

SOLEDADE.—Hindi malangap ko
ang mga insal
ng lilong si Agong
may asal halimao
hindi na nangimi
pag sinta'y ialay
o sa isang gayako?

ESCENA III.

Lalabas si Pedro, may dalang sulat.

PEDRO.—Soledad pag masdan.

SOLEDAD.—Tio Pedro, ikaw po,i, manainga: nata-tanto ko po na ikaw ay may dangal na tag-lay, kung ako po ba'y may ipag tapat sa iyo, ikubli mo po kaya.

PEDRO.—Ah, Soledad puputok sa lupa, ngunit sa aking dila ay hindi; turan mo.

SOLEDAD.—¿Ano po ba ang pagkakilala mo kay tio Agong?

PEDRO.—ha, ha, ha. Isang tawong lasengo, ang sinabi sa umaga na lilimutan sa hapon, isang ugaling muy *ordinario*, бага man ma-uban, ang laman ng utak ay kamangmangan, isang tawong mapag-ulol sa kababayan, isang tawong madalas sangkalanin ang bayau, isang tawong mapag apôapôan, isang tawong hantik pa sa limatik, isang tawong mapag-pasamba sa tanto niyang hangal, isang tawong tumandâ sa pagkabusabos, at isang tawong.....

SOLEDAD.—Hintay ka po muna.

PEDRO.—Ah, hindi mona maa-awat, isang tawong kung hindi mo alintanahin ang kanyang.....

SOLEDAD.—Tapusin mo na po.

PEDRO.—Aba ay tapos na nga, ¿ano naman ang ipagtatapat mo sa akin?

SOLEDAD.—Marahil po'y tanto mo, na kung hindi dahil kay Ludovico, ay hindi uusbong ang kaniyang kabuhayan.

PEDRO.—Oo nga, tanto ko, kaya't ang pamarali ni tio Agong, si Ludovico daw ay *socio industrial* sa pandayang ito.

SOLEDADE.—Madalumot mo po bang ialay sa akin ang kanyang pag-ibig, madalumot mo po bang nasain ng Agong na-iyang, na ihapay ang puri ng kanyang pinakikinabangan.

PEDRO.—Ito'y hindi ko nga madadalumat at dapat ko namang dalumat, na baka kaya naman ang ibig niyang mangyari, sapagka't si Ludovico ay *socio industrial* niya sa pandayan, siya nama'y maging *socio industrial* ni Ludovico sa iyo ha, ha, ha... ito'y hindi natin masusukat.

SOLEDADE.—Kaya't yayamang sa aking asawa'y wala akong sukat magagawang paraan upang ipamalay sa kanya ang mga bagay na ito ikaw na po ang magsabi sa kanya.

PEDRO.—*No puede ser hija de Dios.*

SOLEDADE.—Hindi ka po ba nahahabag sa aking asawa?

PEDRO.—*No puede ser hija de Dios.* takot na takot ako sa basagulo, kung iyan ay sabihin ko kay Ludovico at paputukin naman ni Ludovico ang ulo niyan, di pati ako'y hila-hila sa *Juzgado*.

SOLEDADE.—Ano po itong sulat na ibinigay mo sa akin?

PEDRO.—Si tio Agong ang nagpapadala sa iyo niyan, huag ko daw pagpapahamakang buksan

SOLEDADE.—Ng iyo pong matanto babasahin ko sa iyo *bubuksan ang sulat*.

Guiliw kong Soledad: Gaano kayang pagtataká ang tatamuhin ng iyong mapaya-

pang dibdib na kung sa kalátas kung ito'y matantô ang laki ng aking pag-ibig.

PEDRO.—Samantalang binabasa mo, dadasalin ko naman ang sampung utos ng Dios, *Luluhod*. Ang una ibigin ang Dios na lalô sa lahat.

SOLEDD.—Ini-ibig kita, hangang huling tibok ng aking paghinga kahi't dios man ang humadlang.

PEDRO.—Ang ikalawa huag kang manumpa sa sa ngalan ng Dios.

SOLEDD.—Ikaw ang pangingilman ko't igagalang.

PEDRO.—Ang ikatlo sa lahat lamang ng lingo at pista ka mangingilin.

SOLEDD.—Soledad igagalang kita.

PEDRO.—Ang ikaapat igalang mo lamang ang ina mo't ama gayon din ang katwiran.

SOLEDD.—Mamahalin kita ng higit sa buhay.

PEDRO.—Ang ikalima huag pumatay ng tawo.

SOLEDD.—¡Ay Soledad! ikaw ang buhay ko.

PEDRO.—Ika anim huag kang makiapid sa di mo asawa.

SOLEDD.—Ikaw Soledad ang tanging numakaw ng aking puso.

PEDRO.—Ang ikapito huag mong nanakawin ang ipinagkakatiwala sa iyo.

SOLEDD.—Soledad ng aking buhay ang ninasâ kong ito'y hindi mahahadlangan kahit ang Dios.

PEDRO.—Ikawalo, huag kang mapagbintang sa

kapua mo, bago bago ikaw ang lilo.

SOLEDAD.—Soledad ko, ikaw ang pinagnasaang pagkamatayan ng aking pag-ibig.

PEDRO.—Ikasiam huag pagnasaan ang asawa ng kapua mo.

SOLEDAD.—Guiliw kong Soledad ikaw ang aariin kong kaisang puso.

PEDRO.—Ikasampu huag mong pagnasaan ang ari ng iba, lalo na kung iguinagalang ka.

SOLEDAD.—Hahanganan kona ang takbo nang pluma sapagkat ikaw din ang iibiguin ko kahit anong karatnan.

PEDRO.—Ang sampung utos ng Dios dalawa ang kinauuwian: ibiguin mong iyong kapua gayon din ang Dios, at bayaan mong mamili sila kung alin ang kanilang ibig *titindig*. Pues iha ikaw ang makapamimili ng iyong ibig.

SOLEDAD.—Kaya nga po tio Pedro, gawan mo po ng paraan walin sa kanyang loob ang kanyang nina-nais sa kayo din po ang kaututang dila niyan.

PEDRO.—Bueno, pabayaan mo, akong bahala.

SOLEDAD.—Siya diyan napo kayo *aalis*.

PEDRO.—Saragating tawo itong si Agong Maria, Maria *lalabas si Maria*.

ESCENA IV.

MARIA.—Ano.

PEDRO.—Natatanto mo itong si Tio Agong; ibig

palang lumigaw dito kay Soledad, Jesus mariosep bakit ko ba naipagtapat dito.

MARIA.—¿Si Soledad na asawa ng kanyang kasamá?

PEDRO.—Oo.

MARIA.—Maniwala kana sasinasabi kona sa iyo,t, ang sinalibad ng isang laksang iyan e.

PEDRO.—Ako pang guinawang taga dala nang sulat.

MARIA.—Sinasiabi ko sa iyo,t, iyang pagka meketrepe mo á ¿Hindi kaba na hihia sa tawo na iyang tandâ mong iyan ay pumasok kang...ow *aambaan ng suntok* pag hindi ko pinaaguasa ang ilong mo á ¿Bakit ba sunod ka ng sunod sa hayop na iyan.

PEDRO.—Mangyari ako'y natatakot baka akoy maturang hindi mabuting kababayan.

MARIA.—Naku.....pag hindi ko binalibol ang bunga mo á, ang sukat mong akalain itong aking sasabihin: kung ang tawo bang iyan ay mabuting cristiano, dapat bang pag nasaan ang asawa ng kanyang kasamá.

LALABAS SI BAKOKOY

ESCENA V.

BAKOKOY.—Magandang araw po.

PEDRO.—¿Sino?

BAKOKOY.—¿Sino puba ang amo dito?

PEDRO.—¿Bakit?

BOKOKOY.—Ibig ko pu sanang manilbihan.

MARIA.—¿Baka hindi ka makatatagal dito?

BOKOKOY.—Tatagal po.

PEDRO.—Ng akoy maligtas sa mga basagulo ipa-
sok ko ito, hoy, ano ang pangalan mo.

BOKOKOY.—Bokokoy po.

PEDRO.—Dito'y talagang nangangailangan ng alila,
datapua't isang alilang pipe, dahil sa ikaw
ay hindi pipe tuturuan kitang maging pipe,
pagka't ang amo dito ay ayaw makikisama
kung hindi sa pipe, bulag, at kimaw na ga-
ya ko; ako man ay hindi rin kimaw nag-
kikimawkimawan lamang ako, o tignan mo.
Biglang hahampasin sa tiyan si Bokokoy.

BOKOKOY.—Aray, ha ha ha....

PEDRO.—¿Bueno, ibig mo? iyan man hindi rin
bulag.

BOKOKOY.—Opo.

PEDRO.—Pag sinabi sa iyong ganito *ikukumpas*
ang kamay sa mukha babayi ang kailangan
kinumpas uli pag ganito lalaki.

BOKOKOY.—Opo,

MARIA.—Mabuti, insayuhin mong mabuti iyan
at papasok ako dito sa loob *aalis*.

ESCENA VI.

PEDRO.—¿Magkanong sueldo ang ibig mo?

BOKOKOY.—Kahi't na po magkano *uubo sa loob*
si Agong.

PEDRO.—Humanda ka at nandito na. *Lalabas si Agong.*

AGONG.—Pedro, aha? sino iyan?

PEDRO.—Ibig pumasok na alila pinapag-antay ko dahil sa pipe, baka wika ko maibigan mo.

AGONG.—Aha, oo kung pipe ay ibig ko nga magkano aňg sueldo tanungin mo.

PEDRO.—Bokokoy.

AGONG.—¿Anong nģalan?

PEDRO.—Bokokoy, ayon sa recomendación na aking tinangap. Hoy, *kukumpasan kung magkano ang ibig sahurin* magkano ang ibig mong sueldo.

BOKOKOY.—*Ikukumpas na limang piso.*

PEDRO.—Límanģ piso daw.

AGONG.—Comforme ako, hoy *tatampalin sa balikat kukumpasan nģ kahit anong makita huag sasabihin* huag mong sasabihin ģha?

BOKOKOY.—Ong.... *tatanģotanģo.*

AGONG.—Tio Pedro, anong sagot ni Soledad?

PEDRO.—Tio Agong, pillo ka pala naghain ka pala nģ pag-ibig kay Soledad.

AGONG.—He, he, he... Saragate ka tio Pedro, marahil binuksan mo ang sulat.

*Sa tuina't magtatawanan ang dalawa ma-
bikitawa si Bokokoy.*

PEDRO.—Hindi ko binubuksan kung di binasa sa akin ni Soledad, dahil sa kilala ni Soledad na marunong akong magkubli nģ

lihim, samantalang kanyang binabasa dina-
dasal ko naman ang sampung utos ng
Dios, ng marinig niyang ang ika anim na
utos ng Dios na huag makiapid sa may
asawa namungay ang mata, saka tumawa
ng lihim kaya't tila tinatangap na ang iyong
pag-ibig *magtatawanan maquiquitawa si Ba-
kokoy.*

AGONG.—Hoy, bakit ka tumatawa?

PEDRO.—Talagang ganyan iyan, pagnakakita ng
tumatawa nakikitawa din ha, ha, ha... *Ta-
tawa si Pedro makikitawa si Bokokoy* na-
kita mo na di nakikitawa naman.

AGONG.—Aba sieng a, dahil sa ang aking pag-
kaalam, ay tungkol pipe, siempre bingi.

PEDRO.—Oo nga bingi nga iyan sa iyon ang
kanyang ugali, pag nakakita ng tumatawa
nakikitawa, anong magagawa natin: tawanan
mo; pag hindi ka tinawanan talo ako.

AGONG.—Hoy, *ngingiti si Agong ngingiti din si
Bokokoy, hahalakhak si Agong hahalakhak
din si Bokokoy.*

PEDRO.—Kaya wala tayong dapat katulungin sa
pagligaw mo kay Soledad kung hindi iyan.

AGONG.—Saan naroroon si Soledad? *lilingon si
Pedro masusuliapan si Soledad na Immalabas.*

ESCENA VII.

PEDRO.—Naito siya't dumarating *Patakpong aalis.*

AGONG.—Ay! Soledad!

SOLEDAD.—Aba bastos na tawo ito, hindi na kayo nahihiya, kahit may tawo.

AGONG.—Diyan ay huag kayong mag-alaala pag-ka't tangi sa iyan ay pipe, bingi pa Ay Soleda!

SOLEDAD.—Di ka na nangimi sa aki'y maghain ng iyong pagsinta? may lahi kang taksil!

AGONG.—Maging sala kaya ang gawang gumililiw?

SOLEDAD.—Sukat na, sukat na,
may dilang matabil.
Dapat mong lingapin
ang aking asawa
marunong mag tapat
sa pabikisama,
maguing araw gabi,
tanghali't umaga
trabaho ang ibig
upang guminhawa.

Bagá man sakali iyong namamálas
sa ibang babae ang ugaling judas
ako naman sana'y huag mong itulad
tatampalin kita....

BAKOKOY.—Frefeta Jeremias.

AGONG.—

Huag maguing tampal sukdang maging suntok
titiisin ko rin taglay ng pag-irog
kahit sangayon din buhay ko'y matapos
ibiguin kita.

BOKOKOY.—Santo Nicodemus.

AGONG.—Ako'y kilanlin mo sa bayan ay tanyag
bawa't nasain ko'y nasusunod agad.

SOLEDAD.—Kung magkaganito matwid ay baligtad,
nguni't huag gawin sa nangadídilat.

AGONG.—Pag-ibig ko'y tuloy, hindi magáगतol
pagka't akong apô....

BOKOKOY.—Malapit lumindol.

AGONG.—Ang kahit bumaha ngayon din ng apoy,
ini-ibig kita *yayakapin*.

SOLEDAD.—*Iilag* Ah, laling Faraon.

Dika na nahiya ng asal mong iyan
isang may asawa iyong pangahasan
bulok ang puso mo, may lahing halimaw
di ka na natutong magbigay pitagan.

AGONG.—Itong pagsinta kong nakintal sa dibdib
hindi maaampat ano mang masapit
ang yakap kong ito, liulog na ng langit
bahagkan pa kita....

SOLEDAD.—Halimaw, balawis,

Wala kang damdamin tawong walang wasto:
inarungs ang dibdib maitim ang puso:
darating ang araw neong pagka pugto
ng gaya mong sakim mapag apô-pô.

Tatampalin pagkatampal aalis patakbo.

BOKOKOY.—Aray....

AGONG.—Nakita mo ang guinawa sa akin? *Pa-*
kumpas.

BOKOKOY.—Ong... *pailing-iling.*

AGONG.—Huag kang magsasabi kanino man *pa-*
kumpas aalis si Agong sapolsapol aug muk-
ha biglang tatawa si Bokokoy pagkaalis.

BOKOKOY.—Walang hiya pala itong
apô-pô namin dito.

*Darating si Lodovico lalabas sa fondo at
si Soledad sa kaliwa.*

ESCENA VIII.

Vico.—Oh Soledad kailan man ikaw ay na sa aking
piling, hindi ko nakikilala ang kamatayan.

SOLEDAD.—¡Ó Asawa ko! kailan mang oras di kita
masilayan, tanto akong nalulumbay.

Vico.—Tunay kaya?

SOLEDAD.—Tunay.

Vico.—Kung gayon ay dinguin.

MUSICA No. 3

Vico.—Kung totoong iyong tinuran
iabót ang iyong kamáy

SOLEDAD.—Naito áking hirang
at huag ang kamáy lamang
kung di pa sampúng katawán

Vico.—Oh laking kaligayahan
Tantoin mo áking guiliw
ikaw ang sasalaminin.
buhay ko man ay mairing
dito magpahangang libing.

SOLEDAD.—Sa oras na masanghaya
nag bulaklak yaring tuá
at naparam ang dalita
sa ligaya'y sumagana.

SOL. at Lvo.—Itong ating kaligayahan
waring araw na sumilang
ligaya'y ating kamtan

dito sa pag-iibigan
Anong sarap anong tamis.
ang linamnam ng pag-ibig
di mandin maiwawangis
sa ligaya ng angeles
Lalo na nga't kung kaulayaw
ang sintang minamahal
wari man din tinanglawan
ng mga bituit buan.

SALITAAN,

VICO.—Asawa ko, kahit ang pagod ko'y halos
makaputol ng hininga kapag ikaw ay nasa
piling naiibang walang liban.

SOLEDAD.—Kaawa-awa kang tunay sa iyong ka-
sama, iyo ang pag-luhâ, iyo ang pagdaing,
iyo ang pagtaghoy, at iyo pa ang damdamin.

VICO.—Hindi magkakagayon at sino ang tawong
iyan hoy, Sino ka?

BAKOKOY.—Sino naman kaya ito.

Kukumpas ng pagalang.

SOLEDAD.—Iyan ay bagong pasok lamang dito.

VICO.—Bakit kukumpas kumpas.

SOLEDAD.—Bakit, kaila pa ba sa iyo ang pag-
ugali niyang kasama mo? ayaw makikisama
kundi sa mga inútil, iyan ay pipe.

VICO.—Pasiensia hija iyan ang ugali niyan anong
magagawa natin?

SOLEDAD.—Magpahingalay ka.

VICO.—Oo nga *aalis*.

SOLEDAD.—Oh Bathala!

Tulungan mo akong makapagpamalay
sa aking asawa mga kagagawan
ng kanyang kasama; na may asal banday
sa udiok ng nasang lubhang tampalasan.
Sugat na maantak ng sariling puso
ang bigyang damdamin asawang kasuyo
ang bagay na ito'y kungdi ipatanto
masasabing akoy.....

BOKOKOY.—Daig kong napako.

VICO.—*Sa loob.* Soledad,

SOLEDAD.—Nandian na. *Aalis lalabas si Pedro.*

ESCENA IX.

PEDRO.—Bokokoy *kukumpas lang si Bokokoy* pag
akong kausap mo huag kang magpipipe at
babasaguin ko ang bungo mo, ganong na-
rinig mo?

BOKOKOY.—jajaja. Saragati palang tawo iyang
amo natin, dapat ba namang.... *ibubulong.*

PEDRO.—Sust, kuidado kahit anong makikita
mo huag kang magsasalita kung ibig mong
ikaw mapamahaisa kanya, sapagka't kaya iyan
nag-uugali ng ayaw makisama kung di sa
pipe, bulag, bingi, at pilay ng upang ma-
sunod ang lahat niyang nais nalaman mong
ibig niyan, apoin siya kahit pabalubaluktok
ang kanyang gawin.

BOKOKOY.—Iyon pala lamang bayaan mo't, akong
bahala.

PEDRO.—Ipinatatalastas ko naman sa iyo iyong

isang dumating dito ang asawang tunay noong babae at siyang segundo amo dito. *Lalabas si Agong* Huag kang maingay at lumabas si Agong magpipipihan ka.

BOKOKOY.—Oong.....

PEDRO.—Maniwala ka sa akin na labis ng buti si tio Agong.

AGONG.—Tio Pedro, *gahol* ito'y huli ng aking pagdaing sa iyo sa naisip kong ito'y hindi siya sasala *tatawa makikitawa ang dalawa* nakitawa na naman ang sinalibad ng... ang sulat na ito ay sasabihin kong talegrama sa akin ng isang kaibigan ko sa Calasiao si D, Ludovico ang aking uutusan ang sa sama sa tren kayong dalawa ni Bokokoy, at sa alas onse ng gabi kakausapin ko si Soledad, sa ibig man at sa ayaw iibig siya sa akin naito siya't dumarating, *darating si Ludovico*, magsi pormal kayo.

VICO.—Guiliw kong kapatid sa awa ng Dios ay tapos ko ng naihatid ang mga gawa natin ibig kong sa lingong haharapin palakihan na itong taller.

AGONG.—Ako'y talima sa iyong bawat maibigan; kapatid: basahin mo itong telegramang aking tinanggap buhat sa Calasiao doon ay may gawa na lubhang kailangang ikaw ay makarating.

VICO.—Talos mo nang dati na akoy nasa ilalim ng iyong kapangyarihan, tangi sa roon kailan man at sa ikagagaling, ika uusbong ng ating kapisanan kahit sa nag-u-umpugang bato paro-

rooman ko.

AGONG.—Kung gayon maghanda kana.

VICO.—Sa gayon ay paalam *aalis magtititigan ang tatlo at saka maghahalakhakan ng tawa.*

AGONG.—¿Naniwala na kayo? sa sinasabi ko sa inyong wala akong iisipin na di masusunod, ngayon akin si Soledad, diyan na muna kayo ja, ja ja ja Agong magsaya ka Agong *aalis masaya sa anyong si Agong ay tatalikod babanatan ng tampal sa batok ni Pedro magugulat si Agong itatagong bigla ang kamay ni Pedro.*

¿Sinong bumatok sa akin?

PEDRO.—¿Nananaguinip ka ba tio Agong? ¿Hindi ba kayâ ibig na ibig mong makisama sa mga inútil ng walang makabatok sa iyo gumawa kaman ng hindi katuiran, at saka ngayon ay tatanungin mo sa akin kung sinong bumatok sa iyo e, ¿sinong babatok sa iyo ako ba? ¿mababatukan ba kita kimaw ako? Bokokoy: ¿Sinong bumatok kay tio Agong?

BAKOKOY.—Kung hindi lamang ako pipe sinabi kona *pakumpas* ong.....

AGONG.—Adios tio Pedro *tutumbukin sa sikmura* Adios Bakokoy *aalis masaya.*

• BAKOKOY.—Tio Pedro *sundot sa sikmura* pillo ka.

PEDRO.—Jajaja Lalong pillo si tio Agong *pa-pormal* ating pag isipan ng lalong magaling ¿pa anong gagawin mo kung ikaw ay si Ludovico?

BAKOKOY.—Kung hindi ko nalalaman kahit ako

lokohin; mag papasencia ako *lalabas si Ludovico taglay ang isang maleta de viage at tampipe*. Huag kang maingay at dumarating si Ludovico.

LUDOVICO.—Mga kaibigan: ako
sa inyo,i, nagpapa-alam

PEDRO.—Kami bay iyong iiwan.

LUDOVICO.—Hindi mga kapatid
Talastasin ninyo akoy ini-anak
sa mundong sakdalan noong madlang hirap
at walang minana kundi mag papatak
malagkit na pawis.....

PEDRO.—Iyan ang marapat.

VICO.—Sa pag tatrabaho,t, sa patak ng pawis
doon ko kukunin ang ikabibihis
di gaya ng iba ating na mamasid
na sapag a-apo nandoon ang nais.

Akoy handa ngayon pasasa Calasiao
ng npang tuparin aking katungkulan
katungkulang hindi, dapat kong tangihan
pagkat siyang usbong aming kabuhayan

Akoy sinalubong ng aking kasamá
sa papel na taglay ako daw pumilma
ginawa ko naman ay aking binasa.
ng aking matanto inagaw pagdaka.

Sa akin sinabi:

Huag mong basahin iyang kasulatan
kung hindi mo ibig kita'y kagalitan
subó ng galit ko'y di ko napigilan
pagka't bawat tawo ay may kalayaan.

Aking isinigaw na ipinakalakas
bakit nanasaing malupig ang lahat?

tumugon sa akin; jah! walang paglingap sa bayang sarili... bigla kong sina'ag.

Sapagka't ang nais na nakatalatâ sa papel na iyon pumilma ang madlâ isang kababaya'y maalis na biglâ sa luklukang trono siya ang itakdâ.

Aking hinandulong mataas na sabi huag sangkalanin ang bayang sarili na tulad kay Luzbel naghapay ng puri sa ngalan ng Dios ng siya'y bumuti.

Sapagka't ugali ng apô-apôan siya ay Diyosin tanang kababayan kaya at si Luzbel ang pinagharian lahat ng demonio sa ka inhiernoan.

Kaya mga guiliw irog co at sinta kayo,i, kalingat sa aking kasamá ngayon ko natatap ang ugali pala siya ang poonin sambahin towina.

At sa pagbalik ko ako'y hihiwalay hindi ko na nais ang pakisamahan at pagkagaling ko doon sa Kalasiao sa inyong lahat na, ay mag papaalam.

BAKOKOY.—Ako'y hindi pipe ng iyong matalos kung ikaw,i, aalis ako poy susunod pagkat ang puso ko'y marunong umirog maalam tumampal sa mapag dios dios.

PEDRO.—Ng inyong matanto akoy hindi komang matigas tigas pa ang aking balakang. ng iyong matatap aking binatang ang mapagmapuri na apô-apôan.

AGONG.—*Sa loob.* Pedro, Bakokoy.

ANG DALAWA.—Tinatawag kami ng hunghang.

*aalis patakbo ang dalawa lalabas si Soledad
malungkot si Vico naman sa dakong kanan.*

ESCENA X.

SOLEDAD.—Irog kong asawa kabiyaq nang dibdib
mangyaring dinguin mo ang ipagsusulit
kung ako ay tunay iyong ini-ibig
sa araw na ito huag kang umalis.

VICO.—Hindi mangyayari; asawa kong sinta
ang lakad kong ito'y iyong maantala
na sa pagbalik ko ay nakahanda na
akong humiwalay sa aking kasama.

Sa gayon ay paalam.

SOLEDAD.—Huag mo akong iwan.

VICO.—Magtiis asawa ko.

SOLEDAD.—Tanto mo ng dati
kung ikaw'y malayo
ng dalawang oras,
nasikdo ang puso
kung na sa tabi ka'y
biglang bumubugso
ang tanang ligaya.

VICO.—Aking natatanto
Kaya nga't sa tui nang
ikaw'y malalapit
sa aking paningin
ang asa ko'y langit
kung na sa tabi ka'y
masaya ang dibdib
kahit nalulunos
pilit nabibihis.

SOLEDAD.—Alin pa ang langit
na di na sa akin
kung sa bawat oras
ikaw ay kapiling
kapiling ka lamang
kahi ma't malibing
bangkay mang mistula'y
bilang sa buhay rin.

VICO.—Anong sarap mong magmahal.

SOLEDAD.—Ako'y iyong ipagsama *lambing*.

VICO.—Huag na asawa ko paalam *aalis malung-*
kat si Soledad.

SOLEDAD.—Hindi ko napiguil ang asawang irog
Lalabas si María.

ESCENA XI.

MARIA.—¡Solédad! ¿Bakit nalulungkot?

SOLEDAD.—Si Ludovico'y umalis.

MARIA.—Bayaan mo't babalik.

SOLEDAD.—¡Oh María!

Ako'y mayroong nais ngayong ipagtatapat

MARIA.—Turan mo Soledad ng aking matatap.

SOLEDAD.—Ang lilong si Agong magdaraya't sukab
ay sa gabing ito'y ga ibig mangahas.

Ibig pangahasan ang pagka babai
ilublub sa lusak sa asawang puri
maligpit na bantâ mamayang alas once
gagahisin ako.

MARIA.—¿Ano ang sinabi?

¿Bakit di sinabi sa iyong asawa
ang masamang nasa ng kanyang kasama,
SOLEDAD.—¿Hindi ko maatim! maniwala Maria
ang bigyang damdamin asawa kong sinta.

MARIA.—Diwa'y ibig mo, eh?

SOLEDAD.—¿Oh Maria! ako'y iyong turuan
ng makaligtas sa kamay ng halimaw.

MARIA.—Kung gayon tayo na sa loob
at lihim nating pag-usapan
aalis ang dalawa lalabas si Agong Bakoy
at Pedro waring nagbubulungan.

ESCENA XII.

AGONG.—Talastas na ninyo ang inyong gagawin
ang magdadala ng tampipe, ikaw; ang ma-
leta, ikaw; ihahatid ninyo sa tren huag kayong
aalis sa estacion hangang hindi umaalis ang
tren niyang sinasakian, at walang sala ma-
miyang gabing mag aalas once, kayo din
ang aking katulong.

PEDRO.—Ngunit....

AGONG.—Walang ngunit, ang malalaking bagay
na aking na isip ay nasusunod, ¿ito ba la-
mang ang hindi? kapag kayo'y hindi su-
munod sa nais ko, susumpain kayo ng Ba-
yan? ¿Hindi ba ninyo alam pag hindi ninyo
tinupad ang bilin ko ipa *bobycotage* ko
kayo at ako ang inyong punô? kung ang
sambayanang tawo sumusunod sa bawat
maibig ko ay kayo pa bang susuay, hindi
mangyayari at saka natin tignan.

BAKOKOY.—Naku parang kung ito'y magalit sa akin ay natatakot ako.

AGONG.—Gayon din sabihin sa ating kapanalig, na sa lahat ng botohang ating gagawin ako ang inyong iboto, gayon din na inyong papilmahan sa lahat ang papel na ito sa pangalan ko.

PEDRO.—¿Ano ba iyan?

AGONG.—Huag ng ipabasa, ang nakatalata diyan ating paa-alisin sa tungkol si Doctor dahil sa siya'y *bubulong*.

PEDRO.—¿Baka ikaw ay namamali?

AGONG.—¡Tío Pedro! ¡Tío Pedro! huag ninyo akong pagsusumanin ako ang ilagay ninyo sa tungkol niyang taglay, sapagka't ako ang inyong puno. *Lalabas si Vico*.

VICO.—Mga kasama ako'y nahuli sa primer viahe kaya't sa segundo na ako sasakay.

AGONG.—Sa bagay pala'y ikaw ay naparoon na.

VICO.—Oo katoto.

AGONG.—*Yayakapin* ¡Oh! napakasikap na aking kasama; kasama, kong magandang puso, *sa bawat koma ay iunangol si Pedro at si Bakokoy* kasama kong mapagtapat.

PEDRO.—Ng ipagbili ni Judas si Jesus ay niyakap muna.

AGONG.—Kasama kong pinaglagakan ng aking pagkakatiwala, at kasama kong...

PEDRO.—Kasamá.

VICO.—¿Baka tanghaliin ako kasamá.

AGONG.—Bueno Bakokoy ang tampipe, Pedro,

ang maleta samahan ninyo ang aking kasamá.

VICO.—Bueno kasama adios *aalis ang tatlo urong nṅ urong si Agong hangang sa matihaya sa Palihan at puro adios ang sinasabi.*

AGONG.—Adios, adios, adios, adios. *Pagkatihaya mutación calle Lalabas si Ludovico, Pedro at Bakokoy.*

BAKOKOY.—Ludovico kung sa hanga po nṅ akin ay hindi co po ibig ang ikaw ay umalis sa gabing ito: dahil nabalitaan ko po sa isang kaibigan na lolooban ang inyong oficina kapag kayo'y umalis.

VICO.—Nariyan naman ang aking kasama upang magtangol.

PEDRO.—Inaakala mo bang inaaring tawo nṅ lahat ang iyong kasama? kilala na nṅ lahat ang pagka apô-apô niyan, ang sabihin mo'y dahil pa sa tawong iyan kaya lolooban ang oficina; kaya't akong may sabing huag kang magtuloy; manubok ka ngayong alas once nṅ gabí at walang salang di may saka mangyayari; sa kali't wala kang makita magpatuloy ka bukas nṅ pag-alis.

VICO.—Bahala na at aking iisipin paalam mṅa kapatid *aalis,*

BAKOKOY.—Hindi rin tayo pinakingan.

PEDRO.—Paanong ating gagawin kung gagahisin na si Soledad?

BAKOKOY.—Babalugbugan ko. ¿Ikaw paano pong nasa sa loob mo?

PEDRO.—Nasa sa loob ko kapag pinagpahamakan niya ang puri nṅ ating kasamahan ay

hambalusin ko *lalabas si Agong kasama ang mga panday.*

AGONG.—Tio Pedro ¿Ano napilmahan na ba ang pinapipilmahan ko sa inyo?

PEDRO.—Mayroon ng mangisanasang nakapilma.

AGONG.—Tinamaan ng bagkat na, ¿Hindi ba sinasabi ko sa inyong sa ayaw at sa ibig ay pilitin mo?

BAKOKOY.—Napakahigpit ng orden.

AGONG.—Malapit ng halinhan ang Presidente pag hindi akong nalagay patay kayong lahat, pag hindi ako naging consejal, patay kayong lahat, pag hindi akong naging punô ninyo, patay kayong lahat, pag hindi akong nahalili kay Doctor... sa masarap niyang tungkol, kayong bahala; at ma-aari bang hindi akong malalagay pag kayong lahat ang naglagay sa akin? kaya Bakokoy pilma na *Pipilma si Bakokoy* ikaw; ikaw *papipilmahin ang lahat ikaw, ikaw ng ikaw ang sasabihin.*

BAKOKOY.—Naku linsiok Apô-Apoan nga pala, makago san Quinton. *Lalabas si Totong.*

PEDRO.—Naito si Totong at dumaratin ito ang ayaw pumilma.

AGONG.—Pumilma ka dito't akong ilagay mo

TOTONG.—Ang laya ng tawo dapat mong igalang pumili ng ibig kanyang maibigan ang isang pilma ko'y mahalagang tunay at sa mapag apo'y hindi gumagalang.

AGONG.—¿Diyata't ikaw ang tatangui sa ako ang ibig ng bayan?

TOTONG.—Ito'y hindi ko masabi?

AGONG.—Sukat mong tantoin ako'y siyang puno laging ginagalang siyang apo-
apo kahima't gawin ko'y ang paliko-liko
susuko kang pilit ngayon ay yuyuko.

TOTONG.—Ang katuwiran ko'y hindi matatangay
tangain ng agos ng apo-apoan
yaong *casiquismo'y* dapat mong ilagan
pagka't itong siyag sa iyo'y papatay.

Sa awa at tulong mabuting Gobierno
binibiguiang laya ang lahat ng tawo
tumupad sa matuid.....

AGONG.—Sukat ka na lilo.
at masusunod din bawat maibig ko.

TOTONG.—Masusunod mo nga bawat mahagap
nguni't huag gawin sa nangadidila
kung ang palagay mo ang bayan ay bulag
itangi ang ila't di mo malalahat

AGONG.—Ako'y siyang hari.

TOTONG.—Noong mga pipe.

AGONG.—Siyang masusunod.

TOTONG.—Ng bulag at bingi,
itangi ang iba't di mo mabibili
marunong magtangol sa sariling puri.

AGONG.—Mga kapatid sumpain natin ito *wa-
lang kikibo kahi't isa paliliitin ang voces
ni Bakokoy.*

BAKOKOY.—Ikaw ang dapat sumpain.

AGONG.—Mga kapatid mamatay ang ayaw pu-
milma sa aking nais *Hindi kikibo ang lahat
si Bakokoy lalong paliliitin ang voces.*

BAKOKOY.—Ikaw ang dapat mamatay.

AGONG.—*Hindi ba ninyo ako nakikilala? Hindi kikibo ang lahat nakatitig lamang si Bakokoy pakiliit ang voces.*

BAKOKOY.—Kilalá na kita ikaw ang apô-apô kapatid ng lapo-lapo.

AGONG.—Tayo na *Hindi kikibo ang lahat* tayo na kayo.

BAKOKOY.—Sumulong ka ng mag-isa.

AGONG.—Diyan na kayo kung ayaw kayo.

BAKOKOY.—Adios tio Agong. *Aalis si Agong padabog.*

PEDRO.—Umalis na parang hilog na banak si Tio Agong; ako sa inyo'y may sasabihin, tayong lahat ay mga mangagawa ni tio Agong, kung ang isa ba sa atin ay apihin niyan, ganong mabuti nating gawin?

LAHAT.—Pag-isahan nating iwan.

TOTONG.—Pagka't panahon ng ating ipamalas ang kahalagahan mangagawang lahat ng huag apihin tanang mahihirap na anak ng pawis, sadlakan ng saklap.

Ang magtatrabaho'y palagui ng yukô samantalang siyang laguing bumuboô sunodsunuran na sa pamimintuhô siya pang lakpakan ng pakasiphayô.

Kaya't panahon ng kanyang makilala yaong kalayaan ng isa at isa bawa't ipag-utos tayo'y tumalima. sakali't lalabis, sumangin pagdaka.

PEDRO.—Kung gayon humanda kayong lahat,

mamayang á las once ng gabi ay walang salang di pangangahasan ni Tio Agong, ang asawa ng ating minamahal na si Ludovico nauukol ang ating ipagsangalang ¿conforme kayong lahat?

LAHAT.—Oo.

PEDRO.—Kung gayon tayo na kayo *mag-aalisan ang lahat lalabas si Ludovico.*

VICO.—Puso ko'y kumakaba, dibdib ko'y tumatahip, kaya't paparoon ako ng matanto ang kahulugan. *Aalis mutación Sala rica nuchiga sa cama si Soledad madilim ang escena mayroong Quingque may ilaw, lalabas si Pedro at Bacocoy may mga garrote.*

PEDRO.—Bakokoy dito ka *iupo sa tabi ng escena,* ka pag ang babaye ay pumayag sa bakan mo ng alis, sakaling hindi pumayag at pipilitin, lambanugin mo na, at babalugbugang ko naman.

uupo sa isang tabi dadating si Agong magdaraan sa bintana nacasunjaw lamang bababang marahan lalapitan ni Bakokoy tam palin sa balicat magugulat si Agong magcucumpasan iupo ni Agong sa isang tabi at lalapit cay Soledad marahang marahan lalapitan naman ni Bakokoy at babatukan si Agong magugulat matatacot pagcakitang si Bakokoy ang bumatoc sa canya magagalit.

AGONG.—Mabuti igapos ko ito, *lalapitan si Bakokoy at tatalian pag catali icucubli sa loob ng bastidor biglang babangon si Soledad tahimik mahihiga uli.*

AGONG.—Ngayon hindi kana makalapit sa akin
Lalapitan si Soledad dahan dahan lalapitan
ni Pedro at babatukan magapulat si Agong iti-
tiric ang mata ni Pedro babatukan sa cabilang
tabi pabulong. ¿Sinong bumatok sa akin?

PEDRO.—*Pasigao* Akoy hindi makababatok sa
 iyo pagka't ako ay komang.

AGONG.—Huag kang sumigaw dito ka itatabi
sa tabi ng bastidor pagauladad tatangian
sa tainga lalapit na dahan dahan cay Pedro
 Pakiram-daman mo kung sino ang darating.

PEDRO.—*Pasigao* Ooooo mahaba magigising si
Soledad waring magugulangang uupo sa silla
malungkot.

SOLEDAD.—Oh panaguinip kong
 nag bigay bagabag
 sa pananahimik
 ng pusong may sindak,
 kahit manawari
 huag ng matapat
 ang tanang sinabayan
 ni Agong na Judas.
Tutugtog ng las doce.

SOLEDAD.—¡Oh!

Labin dalawang umpog ng tanso sa bakal
 Labis na ng isa sa kapangakuan
 ng Agong na taksil...

AGONG.—Soledad kong hirang *yayacapin.*

SOLEDAD.—Oh, ganid, halimao, lilo at lanuang.

AGONG.—Huag kang maguitha sa pananahimik
 pagka't ito'y nukál sa aling pag-ibig
 pag-ibig na hindi

SOLEDAD.—Ah, lahing alamid.

AGONG.—Hindi magagatol ang aking nais.

SOLEDAD.—Sumasamo akong iyo ng talikdan
ang lahat ng nasa.

AGONG.—Di mahahadlângan

SOLEDAD.—Dapat mong isipin iyong kagagawan
at mayrong inferno.

AGONG.—Mangyaring pakingan.

MÚSICA N.o 4

AGONG.—Pag-ibig ko'y di maampat
sa iyo irog kong Soledad
sukdang ang buhay ko'y mautás.
Pagsinta ko'y di kukupas.

SOLEDAD.—Dapat mong igalang.
Pag-ibig ko'y paano naman

AGONG.—Pagsintá mo'y di ko alam
pag-ibig kong mabubuhay
pag-ibig mo'y di ko alam
pagsintá ko'y mabubuhay
saksi kong pagkalalaki.

SOLEDAD.—Ito'y walang kailangan
kung sa pag-ibig mamatay
pagka't aking sinumpaang
irog ko siya habang buhay.
Ito'y walang kailangan
ito'y walang kailangan
kung sa pag-ibig mamatay
kung sa pag-ibig mamatay

AGONG.—Pagsinta ko kung maapi
pagsintá ko kung maapi

Saksi ko ang pagkalalaki
At di ko ngani masasabi,
ang buhay mong mapuputi.

SOLEDAD.—Ito'y walang kailangan (2 huli)
kung sa pag-ibig mamatay (2 huli)

AGONG.—Pagsinta ko kung maapi
saksi ko ang pagkalalaki (2 huli)
di ko ngani masasabi
ang buhay mong mapuputi.

SOLEDAD.—Huang kang lubhang pangahás
sapagka't araw ay kung sumikat
pag may kulog at kidlat
nagkukulimlim agad;

SALITAAN

AGONG.—Pakatantoin mong sa tangapi't hindi
sa oras na ito'y hindi makikimi
itong aking puso,

SOLEDAD.—Ikaw'y namamali
at di matutupad ang lahat mong mithi.

Susunḡaw sa bintana si Vico.

AGONG.—Ang sabing mataas huag ipangahás
ang lahat kong nais pilit matutupad

SOLEDAD.—Matutupad mo nga't ani mo'y malakás
ang mga bisig mo; ¡lalaking...!

VICO.—¡Pangahás!

AGONG.—Sa ngayon ngayon din iyong tatanggapin
ang lahat kong impok nanasang pag-guiliw,
at hindi ang hindi *anyong yayacapin.*

SOLEDAD.—¿Iyong pipilitin?

Agong.—Oo, oo, oo.

Soledad.—¡Ah lahi kang taksil!

Ang lahat ng ito ay iyong asahan
masusunod mo nga kung ako ay patay
Dudukutin ang punyal ngunit kung hindi
ang kasasapitan
dito ay bababa, *anyong sasaksakin, biglang*
lalabas si Ludewico pipigilin ang kamay ni
Soledad.

Vico.—Isalong ang punyal

¡Itago ang punyal baka madungisan!

Sayang ang punyal mo na magkakadungis
pumatay sa isang gaya nitong ganid
mabuti pa ang hayop hindi nangagahis
gaya nitong tigro hantik sa limatik.

Sayang nitong aking mga pagtatapat
ng pakikisama sa gaya mong oslak
sayang ang ngalan mong sa baya'y natanyag
ang kapurihan ko'y di mo na nilingap.

Ano pa't ang ukol marapat na gawin
sa isang gaya mo, ang huag batiin
pagka't kawangis ka ng hayop na kambing
kahit anong damo ay ibig lamunin.

¡Huag matigagal ikaw ay mangusap
matapang sa musmos, duag sa malakas
ibig mong mag-apô sa pipe at bulag
duag, dungo, kinai, sa nakakasukat.

Agong.—Huag palabasin ang pananalita
at ng di sa duaga dito ay bumaha.

Vico.—¿Ano ang tinaran?

Agong.—Ikaw ay gumawa *dudukot ng punyal.*

VICO.—Ikaw pa ang matapang...

AGONG.—Wala kang hiya. *Lalabas na biglang bigla si Bacocoy at si Pedro.*

ANG DALAWA.—Ikaw ang lalong walang hiya *sa-sakalin si Agong n̄ dalawa maglalabasan ang m̄ga obrero may m̄ga dalang garrote.*

AGONG.—Bakokoy, bakit ka nakapangusap?

BAKOKOY.—Bakokoy, isip mo yata ako'y pipe, kaya pala ibig na ibig mong makisama sa akin dahil sa ako'y pipe, kawikaan mo'y kahit anong gawin mo'y masusunod mo ang... pag-aapô-apoan, mula ngayon iwala mo na sa isip mo ang pang-uulol at nahahalata ka na.

AGONG.—Pedro, tio Pedro huag mo akong sakalin.

PEDRO.—Tatawagin mo pa akong tio Pedro gan-yan pala ang ugali mo, wala kang ibig ululin kundi ang pinakikinabangan. Hoy tignan mo, dahil sa iyong kasamaan kita ay kina-aawaan, pagka't anong magagawa ko talaga n̄ga palang masama ka.

JUAN.—Maraming kuntil butil, lalantakan ko na po? *aambaan n̄ hampas n̄ garrote.*

VICO.—Huag, huag at marurumihan ang inyong dangal na sumakit sa gaya niyan, ang marapat na gawin dayukdukin sa hapis at saka bayaan.

PEDRO.—Kung gayon alsa tayong lahat. *Baba-laan at waring mag-aalisan.*

AGONG.—¿Saan kayo magsisiparoon?

BAKOKOY.—Huag mo na kaming habulin n̄g

hindi ka mapahamak.

Lalabas si Maria may dalang ilaw.

MARIA.—¿Sinong pangahas iyan?

AGONG.—Ako Maria.

MARIA.—Ah, ikaw pala, ngayon ka lamang namin nakilala kaya pala ibig na ibig mong ikaw ay susundin, ¿ha? taksil, baliw, tali-pandás, balawís, ganíð, halimaw, lilo, sukab, ulupóng at... ¿Ano pa ba ang masamang na sa diccionario, para maitumbas ko sa sama ng tawong iyan? ¡Wala na! Husto na, kaya... Bakokoy, Pedro, Juan. Handa kayo. *waring aambaan ng tatlo si Agong.* Susunod ka sa bawa't ipag-utos namin. Sapagka't kami ang madalas sangkalanin ng iyong pagka lanuang dahil sa mabuti kang manghingi ng contribución, ganitong gawin mo, *isasahod ang caliwang camay*, sapagka't ikaw ang malimit umapi sa kababayan mo, ganitong gawin mo, *isusuntoc ang canan* ipagpalagay mong ako ang bayan *Luluhod si Maria sa harap ni Agong.*

LODOVICO.—Kilanlin ang apô ayaw makisama kung hindi sa pawang mauulol niya mag mula sa ngayon idilat ang mata pagka't daig nito ang mga bívora.

Ating pamangkaan matinkalang bilin ng bantog na Rizal tumubos sa atin kailan man anya at walang alipin walang manglulupig walang mananaksil.

WAKÁS.

P. S. Lopez.

KUNG SINONG

In answer to
"APO-APO"

to
KASAYSAYAN



MAYNILA

LIMBAGAN NINA FAJARDO AT KASAMA

Daang Carriedo Bldg. 101, Sta. Cruz

1908.

Sa aking Bayan

Sa dawag ng pait, noong kadiliman
pinilit pinigâ sa papel makintal
tanang pag-ibig kong, di bungangâ lamang
pag-giliw sa bibdib, doon bumubukal.

Bagâ man at kapôs sa dunong ay sahól
kapahatang ito'y hindi iu-urong
kahi ma't sa dugo'y piliting lumangoy
pagsisikapan ding ipatanto ngayon.

Panahon naman din ng pagsisiwâlat
ng matandang sakit na sa pusong sugat.
¡Gaya ng pagtakip! mapanglaw na ulap
sa mga bituin, anak ng liwanag.

¡Law ang hingi ko! upang matanglawan
ang napatatangay, sa apô-apôan
at kung hindi ito ang gawing tuntunan
ilagay sa limot yaong Kasarinlan.

Ang alin mang bayan, ang alin mang hulô,
ang alin mang pook, pag may Apô-apô
ay hindi uunlad, may magandang pusô,
ang santong matuid palagi ng likô.

Pagkathâ ko nito bumabasang giliw,
hindi ko na nais ang ako'y purihin
kapamanhikan ko't mataos na lambing
kung babasahin mo, ikaw'y magsalamin.

Dahil sa alam kong panitik ay basál
kung isulat ko pa'y sumasalagsál
kaya't balang letra'y mayrong kalabuan:
bahalang puntero ng babasang paham.

¡Bayan ko'y malasin! ang pagsusumakit
ng bawâ at pahat sa iyo'y ninibig
sukdang salsal, pulpól ang aking panitik
di nag-alinlangang sa pula'y mabulid.

Pantaleon S. Lopez.

Calle Narciso No. 59 (Pandacan.)

I.

Kung sinong Apô-Apô

Nang unang sábadò ng Mayo taón 1908 mayroong nangyaring nakalalagim sa pusong dalisay, sa isá sa mga bayang sakop ng Kamaynilaan. May pinalabás na dulá na di iba't ito'y ang: «Apô-Apô» pamagat ng zarzuelang iyon. Alay ng may kathâ sa sariling bayan, obrang walang tinutukoy kundi lumiwanag ang punô ng dilím na pinaguulapan, dito'y may Apô-Apôang nanood sa nasabing palabás; ito'y isáng tawong pinakahari ng kadiliman kaya't ang kanyang pangalan ay: Agong kadiliman; isáng tawong kalaban ng liwanag, isang tawong kalaban ng kanyang pinakikinabangan, isang malimit gumahasâ ng katwiran, hindi matangkad, hindi pandak ay kulang sa sukat: hindi katandâan ngunit maputi ang anit ng ulo. Sa ganito'y bahalang magkurô ang irog na bumabasa, kung gaano ang buti't sama ni Kadiliman. Ating pagmasdan ang nangyari sa loob ng dulaan samantalang itinatanghal ang «Apô-Apô.» Ng sumapit ang *escena* na pinipilit papilmahan ang isang kasulatan upang ito'y ihalal sa pagpupunô dahil sa itong laging panaginip ni Agong na siya ang punô sa lahat, na ayaw pilmahan ni Totong ngalan ng ayaw pumilma sa obra, walang isinasagot kundi ganito:

«Ang laya ng tawo'y dapat mong igalang!
pumili ng ibig kanyang maibigan
yaong *casiquismo*'y dapat mong ilagan
sa pagka at siyang sa iyo'y papatay.»

Nang ito'y madinig ni Kadiliman na binangit ni Totong ang kanyang sugat, waring nag dilim ang mga paningin, na alinsanganan at sinabayan nang tindig na waring sumusuling na banak, siya'y napuna ng isang *filosopito* na sa kanya'y nakapansin, kaya't tinanong ng ganito:—¿Bakit namumula ka?—Naiinitan ako ang sagot.—¿Sa daming tawong nandito ngayon, ikaw lamang ang naiinitan?—Masamang obra iyan, ang pagigil na sabad ni Agong Kadiliman, anyong pa-alis na hinihimas ang anít niyang tuktok.—Hintay ka muna ang paampat na sabi ng kausap.—Hwag mo akong pigilin at ako ang pinatatamaan ng obrang iyan, ang paangil na sagot ni Kadiliman.—Halika ang pabanayad na salita ng *filosopito*; ipalilinaw ko sa iyo ang *Teatro*, Dulaan diumano, anang mga maná-nagalog; ang *Teatro*. Ayon sa sabi nang bantog na poetang si *Ciceron* «salamín anyang mapaná-nalaminan ng pag-uugali» kung ikaw ay talagang pangit at kung talaga kang ganoon. ¿Bakit ang salamin ang kagalitan mo? gayon din naman. Kung itong talaga mong gawa: ¿Bakit ang obrang iyo ang kagalitan, at hindi ang sarili mo? Kaya't kung ipinalagay mong ikaw ang namimilit paboto, at ibig gumahis sa laya ng tawo, bagohin mo na't kahabag-habag ka lamang. Sa madinig ni Kadiliman ang salitang ito ni *filosopito* umingos at sinabayan ng alis, kahit hindi pa natatapos ang palabás, natawa ng lihim si *filosopito*, sinabi sa sariling marahil ikaw ang *Casique* sa bayang itó.

II

Ang pag-owi sa bahay ni Kadiliman

Dumadagundong ng pag akyat sa bahay niyang sarili si Kadiliman, at siyang dahil ng ikinagulat ng kanyang asawa na waring na aalinpungatan, si Ka-

diliman ay ku-kumpas-kumpas, lakad ng lakad sa loob ng bahay, at manakâ nakang nagbubuntong hininga kasabay ang salitang gaganti ako! at sasabayan ng upo sa mesa at pipigilan ang pluma, isasaw-saw sa tintero, si Lolay namang kanyang asawa ay nakasubok at namamanghâ ng labis sa kay Kadiliman, at sa kanyang sarili ay binuka sa bibig ang salitang: ma u-ulol yata itong aking asawa! tutop na ni Agong Kadiliman ang kanyang makitid na noo, biglang lumabas sa silid si Lolay niyang asawa at tinanong ng ganito:

—¿Ano ang nangyayari sa iyo? ngasab ng ngasab si Kadiliman at hindi pansin ang asawang nagugulumihan sa kanyang ayos, at biglang naghimutok si Kadiliman natin, sinabayan pa ng sabing *Pater Filus Patris!* ang kahulugan ama, anak ko't mga kapatid ang hininga ko'y nagkakasabid-sabid, muli na namang tumanong si Lolay:

—¿Anong nangyayari sa iyo?

—¡Ay!.... ang mabanayad na tugon ni Kadiliman maputlang maputla.

—¿Bakit?

—Natatanto mo ang sagot ni Kadiliman si Autor Hito'y gumawa ng retrato ko sa teatro, kaya't kung aking pakiramdaman ang mga mata ng nag sisipanood sa akin ang tingin, kaya't hindi ang hindi ko sasagutin, dahil sa talos mong malapit ng mag eleccion ó mag halalan para concejal, ibig kong magprisinta ng candidatura. Kung paniwalaan ng taong kalahatan ang pagpapaliwanag na iyan ni Hitô pehong-pehong hindi ako ang lalabas kaya't kahit pabalubaluktot mag iisip ako ng paraan upang pagulapan ang mga mata ng mga maghahalal.

—Katwa kang tawo ang pakli ni Lolay, dapat mong isipin tayo'y may labis na kaya sa kabuhayan na minana, ko sa aking amang si Pirong Botete

¿Bakit mo pá hahanġarin ang panunungkulan?

—Ulol na tawo ito, ang pa-anġil na sagot ni Kadiliman, hindi iyan lamang ang mangyayari kundi mawawalan sa akin ng pagkakatiwalâ ang lahat.

—¿Bakit, ang sagot ni Lolay na nanġanġaligid sa dalawang mata ang luha?

—Magtahan ka, ang sagot ni Kadiliman, at hindi mo dapat maalaman ang kalihimang ito, sulong, matulog kana, muli na namang nagbububulong; hindi maubos madili ni Lolay ang ligálíg na ito ng asawa niyang irog kaya't napilitang nanġusap ng: Hito pala lamang ang may sulat niyan, di bayaan monâ bakâ ka pá matibô, at sinabayan ng hatak sa kamay na may pluma tayo na asawa ko; batak-batak hangang sa kanyang hihigan at saka lamang na tahimik si Lolay, bakit mag-uumāga na; anopa't nang nakahiga na si Kadiliman, ay satuina't magigiling ang matá sa paghiga, bigláng nagugulantang na tila na wawari ni Kadiliman na siya'y binabatak nang mġa kaluluwa sa Purgatorio na nagsipagbayad sa kanya bago málibing, at ang isa sa mġa kaluluwang ito'y nanġusap ng malumanay na waring nangagaling ang voces sa ilalim ng lupa ganitô ang sabi ng kalulwa: Kadiliman, Kadiliman, magsisi ka ng iyong sala ¿saan mo dinádalâ ang kwalta ng mġa patay bago ibaon? Hwag kang mang-ulol sa kababayan mo, liwanagin mo sa iyong mġa kasama ang bagay na nasaiyo, ng matapós masabi ng kalulwa ang bagay na ito, napabalikwas si Agong Kadiliman ang isa pa'y umaga na; nagbihis na madaling madali at tinunġo ang bahay nila Bakokoy,

III.

¿Ang pakikipagkita ni Kadiliman sa canyang mġa casama!

¡Ay Bakokoy! ganito ang unang taghoy ni Ka-

diliman, na akmang paiyak, ibigyan mo ako ng kaunting Hiniébra! Hindi pa ako nag-aalmusal! si Bakokoy naman tila nga ibig mahabag sa kanyang maestro ng mapagmalas ang anyo, na tulad sa corderong maamo, dahil na si Bakokoy бага man hindi pipe, talagang may ugaling sacristan kahit tanto niyang likô ang gawa ng kanyang maestro, amén na lamang ng amén, kaya't ganito ang unang tanong ng ating Bakokoy: Bakit ano pong nangyari sa iyo? pag hindi ko sila hinamon ng away talo ako! sapagka't si Bakokoy ay magaling daw na estocador natatalastas ninyo ang pasigaw na sabi ni Agong pinatamaan kayo, ghermano mayor po ba sa kandila? ang sabad ni Bakokoy sagot ako sa huli, limang piso pa ang aking contribución; hindi, ang marahang sagot ni Agong kundi noong palabas ng ikalawa ng Mayo ng taong 1908 di umano'y mga hangal daw kayo kaya ngayon din tawagin sila Tarorang Susô, Ponsa Kaligay, at Giday Lasenga ng matalos nila ang kanilang gagawin; kumaraykay naman ng takbo si Bakokoy na imbol-imbol ang tiyan pinagtatawag ang kanyang mga kasama; natawá ng lihim si Agong Kadiliman at sinabi sa kanyang sarili: Ako ang pinatama-an ng obra ni Hitô sasabihin ko kina Bakokoy na hindi ako, kundi silang aking mga kasama at sina Tarorang Susô; oo, oo, ito nga ang mabuti, halos walang kalahating oras narito na ang mga tinawag, lugay pa ang buhok ni Tarora at si Ponsa naman hindi na nakuha ang magtapis, at si Giday naman ay may kalasingang humarap sa pulong, ganito ang unang lantak ni Kadiliman: Mga kapatid: Isinasauli ko ang aking tungkol na pagka presidente ng ating kapisanan, ang pamagat ng kanilang kapisanan ay «Pinag-uulapan»; isinasauli ko ang aking tungkol na pagka secretario, isinasauli ko ang tungkol kong pagka Tesorero, sa makatuid ang tatlong

tungkuling aking taglay isinasauli ko na dahil sa maraming naiingit; noon naman ay nakasubok si Tenteng Kamagong na isa din sa mga kasapi ng samahang, Pinagu-ulapan, sapól ang sikmura at nag-iihit ng tawa, nalingon-lingunan siya ni Lasenga, kaya't tinanong ng: ¿Bakit nag-iihit ka ng tawa? tumugon si Tenteng Kamagong ng: niloloko tayo at sinabayan ng kaskas ng takbo pagka't alam niyang Lasengo't Lasenga ang kanyang kausap, ipinatuloy ni Kadiliman ang kanyang sermón na waring namamaos ang voces ng pagsasalita; kagabi anya nanood ako ng teatro; ay pinalabas doon ang buhay ninyo at hindi ang buhay ko, hindi ko na sasaysayin ang kalahatlahatan, kundi lahat na lamang ng makailangan; kayo di umano'y pipe, bulag, kimaw, pilay at bingi, si Hitô anya'y kaibigan ko, kaya't hindi niya ginawa iyon para sa akin kundi udyok lamang nang mga naiingit sa akin; (tumalikod ang Kadiliman natin at ngumiti ng lihim, sinabi sa kanyang sariling: Hindi ko sasabihin sa inyong ako ang pinatatamaan ng di ninyo wikaing ako nga'y talagang ganoon), hinarap na naman ang mga kausap at ipinatuloy ang pagsasalita kaya't ang marapat lahat ng palabas na gagawin ni Hitô huag ninyong papasukin, sa á diez y seis may palabas na naman, sabihin sa ating mga kapanalig na huwag pasukin; ang panabay na sagot ng mga kausap, lalakad na kami ng mai-bansag sa lahat na huwag pasukin at boycottage ang gawin sa sa palabas na iyan, naghiwahiwalay na patumba-tumba ang laseng at langô.

IV.

Kung ano ang Teatro at pagkikita ni Tenteng Kamagong at Agong Kadiliman.

—Si Kadiliman ay nakahampilas sa isáng Bar

at waring malainibay, siyang pagdaan ni Tenteng Kamagong na nakabastipol tinawag ni Kadiliman at ganito ang bati.

—Halika nga Kamagong.

—¿Ano ba Kadiliman tila nagdidilim ang pang-anorin mo, ha?

—Hindi katalasan lamang ang pakli ni Kadiliman. ¿Bakit ba umalis ka't di mo tinapos ang pagdidimite ko ng cargo?

—Mangyari, ang sagot ni Kamagong, walang makatatangap ng cargo mong iyon.

—¿At bakit? ang sagot ni Kadiliman, na waring nagmamalaki.

—Sinong ulol ang tatangap ng tatlong cargo, sa isang kapisanan?

—Mangyari iyon ang talagang ibig ko, at tangi sa roon walang makapangangahas sa ating mga kasapi upang humawak ng pagka Presidente, pagka Secretario at pagka Tesorero; ¿Hindi ba talagang mayroon? sa hindi inaasicao. ¿Paanong ibig mong sabihin? Kaya ginaganap ko ng lahat, ang pagalit na sagot ni Kadiliman.

—¿Bakit hindi kapagkaraka'y ipinagbigay alam mo sa kapisanan na di tumutupad ang Tesorero at Secretario ng makapaghalal ng iba't sinarili mo?

—Hindi mo ba tantong bawal sa alin mang kapisanang mapisan ang tatlong cargong iyan sa isang tawo? ¿Kung pumarito sa iyo ang fiscal general at hingan ng cuenta ang secretario ikaw ba ang magpipirinta ng kasulatan? ¿Kung hingin sa iyo nang fiscal ang linaw kung magkanong naipong kwarta ng samahan sa mga ambagang ating nagawa? ¿Paanong gagawin mo? ang lantak ni Tenteng.

—Ipakikita kong lahat ang nariyan, ang sagot ni Kadiliman.

—¿Kung sabihin sa iyo ng fiscal, na ginasta mo ang kalahati?

—Ipagpipilitan kong hindi, ang sagot ni Kadiliman.

—¿Maniniwala na ba sa iyo ang fiscal, na ikaw ay malinis sa hinugasan, kung wala kang ipakitang katunayan? sa ang gawain ng tatlo'y ibig mong kamkamin, dangan ang ikaw ay sabik sa tungkol, dangan ang kami yata'y ibig mong lokohin, dangan ang ikaw ay napakamangmang; makita mo't ikaw din ang magsisisi pagdating ng araw, ang paala-ala ko sa iyong ito'y hwag mong masamain pagka't mangyayaring ikaw ay mapaghimasukan ng fiscal dahil sa ang gawa mong iyan at ang kwatang naiipon sa iyo ay hindi mo kualta kundi pilak ng marami, na dapat matanto ng kapulungang namamahala, hindi ng isang tawong namamahala sa isang kapisanan; ganiyang lahat ang kapisanan, tungkol ng Presidente ang mangulo sa lahat ng bagay na kailangan, tungkol ng Secretario ang mag-ingat ng mga kasulatan ng kapisanan, tungkol ng Tesorero ang mag-ingat ng kayamanan ng Kapisanan, kaya't ang tatlong tungkuling ito dapat sa tatlong tawo, ng upang lumiwanag ang pagsasamahán, ang Secretario na may tangán ng manga kasulatan siyang dapat na maka-alam nang kwatang na sa tagoan, dahil na siya ang may hawak ng kasulatan, ang Secretario ang dapat maghawak ng kasulatan ó makaalam sa mga nangyayari sa kapisanan, dahil na siya ang gumagawa ng *acta* at ang Tesorero ay dapat magkaroon ng kapanagutan sa kapisanan ng itinatago niyang kwalta, kung magkano man, ayon sa kasulatang taglay ng Secretario na kanyang pipilmahan; ang Presidente ó pinakamangulo ng Kapisanan, ang kailangang magsuri kung tama ó hindi ang inaanyo ng dalawa niyang katulong, kung sakaling hindi tama ang sino man dito, siyang bahalang magpaliwanag sa mga kasapi, kung

tamá naman, ay pipilmá din siya sa kasulatan sa ilalim ng wikang *Visto Bueno*, sa makatwid ang kahulugan: nasiyasat kong mabuti, dumating man ang fiscal mag reclamo man ang kahit sino, maliwanag ka sa iyong tungkol, dahil na tatlo kayong nananagot sa lahat ng mangyayari; hindi ganitò ang gawa mo, kundi tila ka si Tiberio Cezar ang maibig ay dapat papangyarihin hindi ka naman emperador. ¿Bakit ibig mong mag Empera-emperadoran? at sa tagalog naman ibig mong mag Apô-Apô.

—Hinawakan ni Kadiliman ang paraskó ng hiniebra at lalantakan si Tenteng at sinabayan ng wikang: naiingit ka yata.

—Hindi ako naiingit ang pailag na sagot ni Tenteng, kundi: ikaw na ang Presidente, ikaw pa ang Secretario at ikaw pa man din ang Tesorero, at kung dumating pa ang fiscal ibig mo pa manding pag Apôan, baligtad ang bituka mo.

—Marahil isa ka sa nagsulsol sa kay Autor Hito; mga ingitero, ang paismid na sabi ni Kadiliman.

—¿Bakit? ang patawáng tanong ni Tenteng.

—Buhay ko ang pinalabás sa Teatro noong ika 2 ng Mayo, ang sagot ni Kadiliman.

—¿Bakit, binangit ka ba?

—Hindi nga ang tugon ni Kadiliman, ngunit katulad na katulad ng aking ugali ang asal ni Tio Agong sa obrang Apô-Apô na itinanghal

—Hwag kang pahalata, ang pakli ni Tenteng; kaya't dingin mo't ipaliliwanag ko sa iyo kung ano ang Teatro. Ang Teatro ay bahay aralán ng pag-uugali, at salaming mapananalaminan ng nanonood, batyagin mong magaling itong aking sasalitín: Kung ikaw ba'y may kalasingan na waring namumungay ang mata mo, ikaw ay mauban, mapula ang mga puti ng mata mo at saka ka manalamin. ¿Hindi kaya pangit ang makikita mo sa salamin?

—Mangyari, ang pabigláng sagot ni Kadiliman.

—Bien katoto: Ang pabiglá din namang sagót ni Tenteng, nguni't... ¿Sino sa inyong dalawa nang salamin ang may kasalanan, ikaw ba ó ang salaming napalaminan ng iyong pangit na pag-uugali?

—Walâ kaming kasalanan kapwa, ang tugon ni Kadiliman.

—Humalakhak ng tawa si Tenteng; sa bibig kita nahuli ang pasigaw na sabi ni Tenteng. Kama-gong; e... ¿Bakit mo kinagalitan si Hito?

Mangyari sinulsulan lamang siya ng mga naiin-git sa akin, ang marahang tugon ni Kadiliman, tulad din naman sa pagsulsol ko na hwag pasukin ang palabás ni Hito.

—Malî ang iyong akalâ na iyan ay sinulsulan lamang, at idinugtong pang sabi ni Tenteng, marahil ganyan ang gawa mo kung kaya ka nagdamdam; ng masabi ito ni Tenteng nilabnót ni Kadiliman ang kanyang ulo't umuwing dalidali, lumakad na naman ng patuloy si Tenteng na humahalakhak ng tawa.

V.

¿Anong laya ng isang tawo?

Sa pag-uwi ni Kadiliman, natagpô nito si Goring na pinakamaganda sa bayang yaon, at ganito ang unang bati ni Goring: Tio Agong.

—Hindi ako ang si tio Agong, kundi ako ang si Agong Kadiliman ang naging tugon.

—¿Bakit ka bulong ng bulong? ang pamanghang tanong.

—Ay Goring!... ang pahinagpis na lantak ni Kadiliman; alang-alang sa ganda mong taglay, sa buti mong pag-uugali, sa karunungan mong mag-wikang inglés, sa kanipisan ng iyong labî at pagkamairugin mo sa kababayan, ako'y iyong tulungan.

—¿Sa ano? ang tanong ni Goring.

—Nang pagpatay kay Hitô.

—Kung huli mo na madali kong patain.

—Hindi ko nga madakip, napakadulas.

—¿Ano bang samâ ang ginawâ sa iyo?

—Sumulat ng zarzuelang tulad na tulad sa aking pag-uugali.

—Sa makatwid tawong, ang pangalan ay Hito. ¿Bakit naman natin papatain, at papaanong gagawin nating pagpatây? kababayan pa naman yata natin.

—Ow... Goring, bayaan mo na nga ang kababayan kung siya namang magiging dahil ng hindi ko pagkaluklok sa pagka *consejal*, kung maaprobahan na ang *Bill Adriático*; at ang pagpatay na ating gagawin ay ganito: ipananabi mo sa lahat na ang obrang yaon ay masama huwag mong sabihing sa akin patama, sumulat ka sa periódicong «Manila Times» at «The American» pagka't magaling ka rin lamang sa wikang inglés, pag ito'y hindi mo ginawa, tatampuhan kita, talos mo na... at pag aco'y naging *consejal*, ako ang bahala sa iyo upang ikaw ay.....

Nang marinig ni Goring ang ganitong saysay ni Kadiliman; umalimpuyó sa kanyang dibdib ang ngitngit, galit, yamot na halos kuyumusin ni Goring ang dila't labi ni Kadiliman at nag wika ng gayari: tantoin mo Agong Kadiliman ngayon ay hindi tagdilim, kundi tagliwanag; kaya't kahit maging kahulihulihan, cargador, bankero, sakatero at magbubukid ay nakatatanto na ng kahulugan ng tinatawag na *libertades individuales* ó layâ ng bawa't tawo; hindi ngangyon lamang isinisigaw ng bayang *filipino* na nais namin ang magsarili, ó *Ang Independencia* kaya't tandaan mo itong ipagtuturing: magkaroon man tayong ng *Independencia* ó pagsasarili, at buháy ang *casiquismo* ó pag Aapô-apôan, wala din tayong kahirinatnan.

—¿Bakit? ang papaós na tanong ni Kadiliman.

—Mangyari, kailan ma't may Apô-Apôan na sa pagluha ang matwid, sa dahilang ang Apô-Apôan, ay walang tinutumpang landasin ng matwid, kaya't ito. ang kalaban ng katwiran; ikaw ay maglingon lingon sa lahat ng sulok nitong Filipinas: maging sa Kapisanan ng mga obrero, maging sa Kapisanan ng politico, maging sa Kapisanan ng religioso, maging sa Kapisanan ng mangangalakal at iba't iba pa, kailan ma't may Apo-Apoan, pakaasahan mong ang kapisanang iyan ay hindi susupang; gayon din ang nangyayari sa isang bayan, ganyan din ang nangyayari sa isang nasyong mayroon niyan; kailan ma't may Apô-Apô ang lahat ng matwid ay palikô. Iyan at iyan din ang naging dahil ng pagkayukayok sa sala ng sangkataohan na hindi kumilala sa utos ng Diyos, iyan din naman ang naging sala ni Cain sa kanyang mga magulang at sa Diyos, sa kaibigan ni Caing siya'y matampok sa kapurihan, siya ang pumatay kay Abel na tunay niyang kapatid; ito ang iyong katulad na hindi mo ibig na ikaw ay tanawin sa mababang ayos; kaya't iwalay mo na sa isip mo ang pag-uugaling iyan at iyan ang mainam na gamot sa iyong bugók na utak, sa dahilang ngayon ay nanaog na ang mesias na tumubos sa sala ng sangkataohan taglay ang ilaw ng kaliwagan, upang ang nadidilimang pag-iisip na gaya ni Caing pumatay sa tunay na kapatid at kawangis ng mangá kapatid ni José *Vendidong* nagtakal sa tunay na kapatid ay pagliwanagan; at sa Filipinas nama'y nanaog na ang mesias na Rizal na tumubos sa sala ng kadiliman, taglay ang mga aral niya upang magliwanag ang kapilipinuhan, na napakukuyumos sa mapag Apô-Apô; kaya't ang mapagpalang Gobierno Americano ay naglagdá ng kautusan; *Bill* na ang bawa't tawo'y makagagawa ng kanyang maiibigan kailan ma't hindi sinsay sa talatang utos, ang sino man suminsay ay

may katapat na parusa; kaya't huag mong pagnasaang patayin sa gutom si Autor Hitô, sa dahilang iyan ang ipinagpapatid uhaw ng iyong kababayan sa kanyang mga anak; layuan mo na ang asal Cain na... sa nasâ mong ikaw ay maging *Consejal* ay ipápahamak ang isang mag-anak; ng masabi ni Goring ang mga huling salitang ito ay nahilo si Kadiliman, siya namang pagdatal nila Bakokoy, Posotsoy at Tarorang Susô na siyang kumalga kay Kadiliman at naghatid sa kanyang bahay.

VI.

Ng si Kadiliman ay nahihiga dahil sa sakit na taglay.

Payat na payat si Kadiliman dahil sa siya'y nagkaroon ng sakit magmula ng mapagkaalaman ang kabulukan ng kanyang pusô, hindi napagkakatulog ang kahabag-habag dahil sa ubo, kaya't ang palaging taguri niya ay ganito: ¡Ay! sasasalin ng ubo; ubo, ubo, ub... ¡ay! pag hindi ako ang naging *Consejal* mabuti pang ako'y namamatay na, sasasalin na naman ng ubo; ubo, ubo... ub... mananaghoy na naman ng... bulok na ang aking puso sa kinakakain ng hindi ko dugo, mga ingitero! ang pangapós na buntong hininga kung hindi ninyo sinulsulan pehong pehong ako ang *Consejal*; ngayon hindi ko maalaman ang mangyayari; hindi pa halos natatapos ang mga salitang ito ay siyang pagdating nila Bakokoy, Posotsoy at Tarorang Susô na nagpapanangisan, niyakap ni Bakokoy si Kadiliman at ganito ang wika: kahabag-habag ka Kadiliman, hindi ikaw ang lumabás na *Consejal* nahahalata na pala ng tanan, na inuulol mo kami; hagulgulang umaatikabo ng iyák ang tatlo nila Bakokoy, Posotsoy at Tarorang Susô, ng marinig ni Kadiliman ang pananambitan ng kanyang mga inuulol, nagningas ang mata na waring nanunulig, si-

nasal ng sunodsunod na ubo; ubo... ubo... ubo... ub...
biglang napahiga at nawalan ng diwa na waring
naghimatay; sigaw doon sigaw dito ang mga kam-
pon niya, asawa't mga anak, walang isinisigaw kundi:
ilaw, ilaw, ilaw upang magliwanag.

VII.

Ng Pagsaulan na ng hininga si Kadiliman.

Si Kadiliman; ay nakahimpil sa isang sulok ng
kanyang bahay at na tatanikalaan, dahil sa nanana-
kit, pagka't na wala sa lugal ang *tornillo* ng isip, sa
makatwid ay na ulol, sa mga oras na ito'y pinag-
lalaroan ng mga demonio, ang sabi ni Lucifer na
hari sa inferno'y ganito: ¡Kadiliman! magbawa ka
na ng iyong ugali; sa tuina't ibubulong ito ni Lu-
cifer sa kay Kadiliman; kinakagát ni Kadiliman ang
tanikalang nakatali sa paa't kamay, bubulungang na-
man ng isang kalulua't ganito ang sasabihin: ¡Kadi-
liman! ¡Kadiliman! huag mong sisirain ang ibinayad
ko ng ako'y bago ilibing; sa dahilang ang Kadiliman
nating ito, ay may ugaling sumingil sa kanyang mga
kasapi bago ipalibing kung sakaling mamatay. Sa-
mantalang si Kadiliman ay pinaghihilahanan at binu-
bulungan ng mga demonio't kalulwa; ay nanduduling ang
dalawang mata't ibig mangagat, pasag doon pasag dito
na parang León ni Charini at saka sisigaw nang: ngayo't
ako'y nang-uulol sa aking kababayan naiingit kayo
sa akin, bubulungan naman ng kalulwa ng isang
frayle at ganito ang ibinubulong kay Kadiliman; ¡*mal
agradecido!* ¿Hindi ba ikaw ang nagpasasa sa aking
kayamanan? ¿Bakit ako pa ang iyong mamasamain?
¡*Mal agradecido!* sapagka't si Kadiliman ay manugang
nitong Frayleng nagdurusa sa inferno ang kalulwa,
dahil sa mga kayamananang yaon na pinakikinabangan
ni Kadiliman, nguni't si Kadiliman ay madalás ma-

galit sa frayle noong hindi pa nau-ulol, at talaga nã namang masama ang mĩa ginawa ng frayleng ito noong siya'y nabubuhay, ito'y hindi kaila sa madda. ¿Bakit ga' ibig mong tularan Kadiliman? Ito naman ang tanong ng ating Lucifer—Ang frayle pala'y masama kaya't huag mong tularan ang gawa niyang pamimilipit ng bulsa ng iyong kababayan, at ang guinawa nila sa atin noong una, gaya ng guinawa mo kahapon sa kaibigan mong ikaw ay igalang ng boong mundo, nanakal ka ng mahihina, sinangkalan mo ang iyong bayan; kung ibig mong maligo, «ikaw ang mag handa ng iyong gugô,» samantalang ibinubulong ng Demonyo kay Kadiliman ang mĩa salitang ito, nana-nalas ang mata ni Kadiliman na animo'y pusang bagong panganak, kaya't sumigaw ng ubos lakas na: Lumayô na lamang kayô sa harap ko babagohin ko na ang pangit kong pag-uugali, nag-inugong na biglang bigla, siyang naging dahil ng panu-numbali ng isip ni Kadiliman na parang naalinpungatan.

VIII

Ng hingan ng liwanag si Kadiliman ni Giday Lasenga

Masayang-masaya si Giday Lasengang lumalapit sa kinahihigan ni Kadiliman, taglay sa kanang kamay ang parascô ng Hiniebra at sa kaliwa'y isang látigong panghampas sa kabayo't ganito ang sabi ni Giday: Lintik! Lintik! Lintik! sigaw na halos magiba ang bahay ni Kadiliman at sinabayan ito ng hampas ng latigo, parol anyá ang taglay ko ng tayo'y magliwanag. ¿Bakit ka nang-uulol Kadiliman?

—Marahang sumagot si Kadiliman ng ¡¡¡ay!!!

Nangangapos ang hininga mo, ¿ha? at biglang pinilantik ng látigo ni Giday.

—¡Ay Giday! ang pabuntong hininga ni Kadiliman, ngayon lamang nagsipanaw dito ang mĩa

demonyo at mga kaluluwa ng mga ibinabaon na nagbayad sa akin bago ilibing, at ang kalulua nang bienan kong frayle na inubos ko na ang kanyang kayamanan, tanto mo na ang aking ugali daig ko pa ang kurang tunay, dahil sa akin nagbabayad ang bawat ilibing. Ahá nahuli din kita, ikaw palá ay nagkukurakurahan pa, ang pasigaw na lantak ni Giday Lasenga; at sinabayan ng píral sa tainga, samantalang dinadaklot ni Giday ang pingol ng tainga ni Kadiliman sinabayan ng salitang: isauli mo ang ini-ambag ko pagka't kundi ipagsusuplong ko sa may kapangyarihan ang asal mong iyan; dahil na si Agong Kadiliman, ay isang taong sadyang may ugali noon pang hindi nagkakaramdam na manghingi ng contribución, sa kanyang mga kasamahan at sinasangkalang lagui sa nais niyang ito, ang ngalang ng Kapisanan; kaya't dinagdagan ni Giday ng sabing kahabág-habág sa iyo ang taong magtiwalá, kawá-awá ang Kapilipinuhan kung patatangay na lagi sa gaya ng iyong masamang nasa, at kahapis-hapis ang isang bayang sipután ng gaya mong taksil, kaya't isauli mo ngayon din ang mga nai-ambag ko; ng kasalukuyang sinasalita ni Giday ang kakilakilabót na ugali ni Kadiliman ay sinasal ng ubo't nannginang ang boong katawan na animo'y isang nádakip sa pang-uumit ng masarap na pagkain, at siyang dahil ng ikinabulagta ng ating Kadiliman.

IX.

Nang napanaginip ni Kadiliman siya'y kausap ng isang makata.

Si Kadiliman ay nakahigá sa isang katren pinamutihan ng maraming hiyás, may mesang mabilog sa tabi nito, ilawan ng mayaman sa pagtulog at lubhang matahimik ang anyo ng gabi na halos ina-

agaw ng umaga ang pagbubukang liwayway, ng si Kadiliman ay nanaginip ng gayari:

Lumayo ka, ang sigaw ni Kadiliman na halos binabatak ang paghinga.—Hindi kita malalayuan, ang sagot ng makata, ayon sa kanyang nanaginip, sa dahilang ito ang aking panata, at sinalaksak si kadiliman ng pluma ó panitik sa mukhang matagihawat; dinugtungan ng wikang:—Huag mong wikain Kadiliman na ang aking panitik ay padadalá sa sulsol, gaya ng iyong akala; ah; alibughang asal, sinaksak na naman ng panitik sa mapulang puti ng mata si Kadiliman. siyang pagkagising ni Lolay at ginising ang Kadiliman nating binabangungot sa kasamaan niyang taglay.—Asawa ko, ang palambing na pag-gising ni Lolay.—¡Kaunting tubig, ang binuka sa bibig ni Kadiliman, karaybay na ng pagtakbo si Lolay upang kumuha ng tubig at pinainom si Kadiliman—¡Ah Asawa ko! iganti ninyo ako kung sakaling ako'y mamatay—¡Nakul ang pagigil na wika ni Lolay na lumagaslás sa mata ang luha, ¿Bakit?—¡Ay asawa ko! ang banayad na tugon ni Kadiliman; ako'y nanaginip, ako'y binangungot, ang aking napanagimpan sinalaksak daw ang aking mukha ng isang makata—Muli na namang bumalong sa mga mata ni Lolay ang luha't nangusap ng... ilayô mo na sa loob mo ang pakikipagtung-gali sa mga ganyan; ng marinig ni Kadiliman ang salitang ito ng kanyang asawa napanangon kahit gumugulapay at nangusap ng pasigaw—Hindi mangyayari, sapagka't paano ang aking nasa sa pagcoconsejal? ¿Hindi mo ba tanto't kung kaya ko pinagpipilitang maalis si Dr. noon 905 sa tungkol na pagka *consejal*, ng ako ang mahalili? ¿Hindi mo ba alam na kung kaya ako nagnasyonalista ng ako'y magkaroon ng katungkulan? ¿Hindi mo ba natalós na kung kaya ako naghimasok sa kapisanan ng mga panday; ng ako ang maihalal na Consejal

kung maaprobahan ang *Bill Adriático* at....? ¿Hindi mo ba natatatap na kahit ako'y magkahirap-hirap ng mapataas lamang sa mataas na tungkol kung mangyayari? ibig kong maging Presidente sa América kung maaari lang at ngayo'y ibig mong ihiwalay ko, ang bagay na iyan sa aking panaginip, kaya't bukas ay mamili ka sa palenke ng marami at maghahanda ako; siya magpahingalay ka, ang sagot ni Lolay.

X.

Ang Pagkikita ni Tenteng Kamagong at Bakokoy

Komparé! ang patawang bati ni Tenteng Kamagong kay Bakokoy.—Mahal na Kamagong binabati kita ng boong galang, tumungo si Bakokoy na umiimbol ang tiyan, ¿Saan ang tungo ng kompare ko?—Sa bahay ng ating Apô-Apóng si Kadiliman ang tugón ni Tenteng—Ako man kompare ang lantak ni Bakokoy—Bubulungan kita kompare; ang batikos ni Tenteng.

—Ikaw ang bahala, ang paagaw na sabad ni Bakokoy, binatak ng banayad ni Tenteng si Bakokoy at saka binulungan ng wikang:—Masama ang pakiramdam ko sa ating Apô-Apóng si Kadiliman ginagawâ tayong sangkalan ng kanyang pagka talipandás, ng maantilo ni Bakokoy ang salitang ito ni Tenteng, nagalit si Bakokoy, at pagalit na itinanong kay Tenteng kung matutunayan ang gayon; tinanong pa ng: ¿Patotohánan mo ang iyong sinasabi? na pinag surot-surot ni Bakokoy sa mukha si Tenteng.—Oh, tingnan na nga lamang ang asal ng Bakokoy na ito ang pailág na wika ni Kamagong at sinundan ng salitang: Bago ka magagalit, makapito kang iisip; bago ka matutuá, lilingon ka muna sa kana't kaliwá. at bago ka magkakatiwala tumingala ka muna sa langit, lingonin mo ang iyong tinalikdan, malasin mo ang

iyong hinaharap at tumungô ka sa lupa't ng hindi ka magsisi sa huli.—Hindi ko maintindihan ang sinabi mo ang pagsisi na sabi ni Bakokoy—Tuligsain mo ang lantak ni Kamagong: Ng panahon ng tinalikdang kastila ang Frayle ang hari-harian at mga *fiscalillo* ang Apô-Apô.—*Bien*: ang batikos ni Bakokoy, nagulat si Tenteng Kamagong na nasabi tuloy na: Ahâ? Bigla mo akong kinastila, há? Hindi kaila sa iyo ang nangyari na siyang ikinalupasay sa hapis ng ating inang Filipinas.—*Bravo*, ang pabigla namang sabad ni Bakokoy, muli na namang nagulat si Kamagong at sinabi sa kabiglaanan: ¿Lumálala ka? ngayon tatanongin kita ¿nasa katuiranba ang mga iyan? wala, mangyari mga *romano* ang sagot ni Bakokoy, biglang inagaw ni Tenteng Kamagong ana salitang ito—Hwag natin anyang, dalhin sa *Roma*, ang salitaan ani Kamagong, at tayo'y nandito sa *Filipinas*, ang ating pinag uusapan sa mga oras na ito'y ang tungkulin ng mamamayang tawo dito sa Filipinas, sinasabi ng kautusan ng Diyos; piliin ang bawa't maiibigan; sinasabi naman ng *Bill*, kautusan sa Filipinas: Ang bawa't tawo'y may layang gumawa ng kanyang maisipan, kaya't ang aking masasabi'y ganito: Natanto nating masama ang gawa ng *Frayle*, masama din naman ang gawa ng *fiscalillo* ng panahong iyon, ¿nataatalastas mo kung bakit? sa dahilang ang *fiscalillong* iyan ay *amén* ng *amén* sa kanyang Apô-Apô; gaya din naman ng pag amén mo sa ating Apô-Apô na si Kadiliman, na kapag sinabi sa iyo itatayo niya ang *torre* ni *Babel* ng walang kilatis, dudukutin mona ang iyong pesetas para maiambag, kapag sinabi sa iyong igagagapak niya sa loob ng tatlong araw ang templo ng *Jerusalem* dudukutin mo na ang iyong kahati't walo't ibibigay kaagad, halos iyong inaagaw sa bibig ng asawa mo't anak nang walang kinaoowian. ¿Sino ngayon sa inyó ni Kadi-

liman ang may sala? Tila ako ang sagót ni Bakokoy.—Hindi lamang tila, kundi ikaw na ngâ; sa dahi-lang kung walang *consentidor* walang magnanakaw, ito ang kasabihan ng mga matatanda, hindi ko salita ito, ang pabalik na wika ni Kamagong. Gayon din naman pag winika sa iyó pumilma ka, pipilma ka-agad, pag sinabi sa iyong makipag-away, makipag-away ka naman, samantalang ikaw ay may sariling kalayaan. Ang boto ba ng isang mamamayang tawo'y gaanong halaga?—Halagang isang copang sorbetes, —Ah, gungong, iyang pagka Bakokoy mo na malapit-lapit kang maging bakoko, pang-ulam sa mahal na araw; piniral ni Kamagong sa tainga't sinabing dingin mo itong sasabihin: Niibig mo ba ang iyong bayan?—Hangang huling tibok ng aking hiningá, ang tugón ni Bakokoy na waring nagmamalakí.—Kung iniibig mong gaya ng iyong sabi, ani Tenteng, palilinawan kita. Ang halaga ng isang botos ng mamamayang tawo, kahalaga ng inang bayan, sapagka't kung makaladkad ang boto mo ng isang basong sorbetes at tatlong tanghalian na gaya ng ugali ni Kadiliman, hindi ikaw ang papatain niyan kundi ang bayang sangkalan, na nalulugami sa madlang hirap; kaya muli't muli ang bilin ko sa iyo na bago ka boboto titingnan mo ang ugali ng iyong iboboto, ang mga gawâ nito, ang mga ginawâ nitó at kung mangyayari, pati pa nang gagawin niyan kailangan mong pag-aralan bago ka bumoto:—Bayaan mo kompare at ganyan ang aking gagawin, ang pakli ni Bakokoy. —Kung gayon kompare tayo na, magpatuloy sa piging ni Kadiliman, tayo na ang sagot ni Kamagong at ng mainit-init pa ang litsón na ating madatnan, lumakad ang dalawa na nagungisingisan.

XI.

Ang pagsasalo-salo sa bahay ni Kadiliman.

Si Kadiliman ay malungkoi may taling panyong puti sa ulo, palaging napaghihiló dahil sa sakit na taglay, na ayon sa sabi ng mga médico ang sakit na ito ay nabubulok ang pusô, kaya nanghihina, kung kaya naman napaghihiló nabubugok diumanó ang utak; nakahilig sa isang mainam na luklukan si Kadiliman, palaging nakatingala't pinag-iisip ang kahapis-hapis na buhay na kanilang napagsasapit na mag-anak; nakasangla halos ang boong kabuhayan sanhi sa pag-gugol at pagkakándido, at sa taglay na karamdaman. Siyang pagdating ni Lolay na galing sa bahay sanglaan at nagsangla, inabot-abot ni Lolay ang salita ni Kadiliman: «Pag hindi ako nagkaroon ng katungkulan sa taóng ito magpapakamatay na ako.» —Iyan ang masasapit ng isang gaya mong ibig Apoin ng lahat, malasin mo itong ating sinasapit na mag-anak, isinangla ko na ngayon pati ng naiwang lupa ni ama, ngayon handa na naman itong iyong gagawin, igastos na katakot takot!—Ulol na tawo ito, ang pahikayat na sabi ni Kadiliman. ¿Mayroon bang namuhunan na di nakinabang? pag ako'y naging Diputado, pag ako'y naging Concejal, pag ako'y naging Presidente, sa kanila ko din kukunin ang mga nagugol kong iyan, siya ineng! iayos mo ang ating handa, malapit ng dumating sila Bakokoy na ating kapangalig, ang pahimok na sabi ni Kadiliman; pumasok si Lolay sa kálanan upang ayusin ang pagpakainang gagawin; siyang pagdating ni Bakokoy at Tenteng, dinatnan nila si Kadiliman sa gayong kalungkutan, ng makita ni Bokokoy ang ayos ng kanyang maestro na nakahilig, dahil sa sakit na taglay, nangaligid sa kanyaang namumugtong balintataw ng mata ang luha at

sinabayan ng sabing: Maestro kong mahal.—Bakokoy ang palambing na tugon ni Kadiliman, hwag mong babayaan ang ating Kapisanan, hwag kayong makikinig sa masasarap na sabing madalas magbulid ng aking kapurihan, kahit pabalubaluktok ang aking sasabihin paniwalaan ninyo, ng ako'y guminhawa, kahit gawin kong tulay kayo sa aking Kadiliman, ako din ang inyong ibigin; nadinig ni Kamagong ang mga salitang ito na halos nagpupuyos ang kanyang dibdib; nguni't di binubuka ang kanyang bibig. Data-pwa't si Bakokoy palibhasa'y isang taong binabatak nang sawing palad, halos nahihimlay ang dibdib sa habag sa kanyang Apô-Apông si Kadiliman, lalo na nang mawika ni Kadiliman ang tatampuhan ng bayan ang taong hindi makinig sa akin at tuturang makafrayle.

Nang mapakingan ni Kamagong ang huling binigkás sa bibig ni Kadiliman, umalimpuyó ang galit sa dibdib at sinabing: ¿Ang bayan kaya'y na sa lawak pa ng Kadiliman? muli na namang nangusap si Kadiliman natin ng: ¿Ano po ba ang palagay mo sa pilipino, hindi na baga kaya maging mabuting pilipino kundi patungo sa landas ng Kadiliman? siyang pagdating nila Giday Lasenga at sina Posotsoy, Masasayang nagbigay galang kay Kadiliman; si Giday dahil sa may kalasingang dumating, siyang sumigaw ng: mabuhay! ang tugon nang lahat at napabangon si Kadiliman ng madinig ang papuri't sinabayan ng wikang Lolay, ilabas mo ang parol.—Oo, ang sigaw naman ni Lolay at maghahain na tuloy ako, inilabas ang parol, nag-inuman, ng nangagma-malainibay na silang lahat naghain na si Lolay, tinadtad na ang mainit na litsón, pinaghiwahiwa na ang inihaw na pabo at nagsiduleg ang mga panauhin, lumagay na si Kadiliman sa kanyang lugal na pinakapangulo, saka nagsalita: ¿Anong kahulugan nitong ating

piging? si Tengteng Kamagong hindi kumikibô, datapwa't sa kanyang sarili ang nawika: ¿Mayroon bang dapat na makaalam ng lahat nang bagay na nangyayari kundi ikaw? umulit na namang tumanong si Kadiliman: ¿Bakit walang makasagot sa inyo? yayamang hindi ninyo masagot, sasabihin ko na: kaya ako pina-ngaŋanlang Apô-Apô, dahil sa kabutihan ko, sa-pagka't ipinagsasalo ko kayo sa aking dulang; pag-ka sabi nito, tumalikod si Kadiliman at sa sarili'y sinabing. (kayâ ko lamang kayo ipinagsasalo, dahil sa nais kong ako'y inyong ibotos sa anomang katungkulan) muli na namang hinarap ang mga kaawa, siya simulan na natin ang pagkakainan. Tinawag ang kanyang anak na si Arkelaw at binulungan, na ganitô ang ibinulong: Arkelaw na anak ko: ang mga kasalo nating iyan, marami ang bingi, bulag at pipe, ang mga iba niyan ay mga hindi ganoon, huag mong lubhang pakikisamahan pagka't hindi mo mau-ulol, sa makatuwid walâ kang mapakinabang, ang mga paraang ito'y dapat mong mahahin sa akin at sa iyong nunong namatay na si Pirong Botete, kung ibig mo din lamang guminhawa sa ibabaw ng mundo, hwag kang makisama sa kasingtaas mo, ng iyong mapagharian. Akong si Kadilimang iyong ama talastas mong na sa karamdaman, hindi natin mahulaan sa ngayon kung kailan mapapatid ang tangan kong hininga; ng mamasdan ni Teng-teng Kamagong ang bulungang itô nang mag-ama kinalabit si Bakokoy at pabulong na sinabing: Matagal ang bulungan ng mag-ama ni Kadiliman at Arkelaw.— Lantakan mo ng lantakan ang litsón hindi kung anong pinagmamasdan mo, ang sagot ni Bakokoy; siyang pagdatal ni Tarorang Susô at humahanḡos, pakingan ninyo anyâ ang aking balita: Ang lahat ay napatangâ sa kanya, pumigura si Tarorang Susô at saka nagsalitâ: Ako anyâ'y galing sa Sampalok,

doon ay nabalitaan kong hindi naaprobahan ang kalahat lahatang hiling ng *Bill Adriático* na ang bawat pook ó *distrito* ay magkakaroon ng isang *Concejal*, hindi ganito ang kinahinatnan kundi dalawa lamang sa boong Kamaynilaan isa sa Katimugan at isa naman sa Kahilagaan (isa sa N. at isa sa S.) ng madinig ni Kadiliman ang balitang ito ni Tarora, naghimatay si Kadiliman at nabwal sa kinauupang luklukan, siyang pagkakagulo ng gibikan ng lahat sa ating Kadiliman, ang iba'y humihingi ng tubig ang iba'y Eter, ang kalahatan naman ay ilaw nang tayo anya'y magliwanag dahil sa laganap sa boong bahay ang Kadiliman, ipinasok sa silid si Kadiliman, si Bakokoy at Kamagong hindi tumitinag sa kinauupang, kaya't sila lamang ang naiwan, at nasok sa silid ang lahat.—Hinampas ni Kamagong sa nguso si Bakokoy ng hita ng manok niyang pinapangal at saka tinanong ng ganito: Hulaan mo Bakokoy kung bakit nabaligtad si Kadiliman sa pagkaupo?—Ang palagay ko'y lasing kung kaya nahilo, ito ang naging tugon ni Bakokoy.—Musmós ka nga palang tawo ang paagad na pakli ni Kamagong.—Nagalit si Bakokoy at sumigaw ng boong lakas; pag ako'y ganitong may kalasingan hwag mong aalipustain si Kadiliman at babasagin ko sa ulo mo itong bote.—Hwag mo bang initan ang ulo mo, sapagka't ang malamig kailan man ay siyang magaling di mo ba tanto na ang pamatay sa apoy ay tubig? Kaya't dumingig ka: Haya't nahilo si Kadiliman sa dahilang kaya siya naggugol ng pagpapakain upang siyang ihalal natin kung napagtibay ang *Bill Adriático*, ngayo't hindi, kaya't sumubó ang dugô; kaya magmula ngayon itong aral ko'y siya mong sundin ng di ka mabalaho, sa panahong ito hwag kang lubhang magtitiwala sa masasayang mukha, dahil sa ang kadalasan nito'y magani ng mapait na luhâ, hwag kang padadakip sa

gaya ni Kadiliman na sa kasabikan sa tungkol, lahat ng buti ang ipinakikita, nguni't pakitang tawo lamang, diyan ay marami pang nalisaw na.... Kahit ang laman ng Langit ay ipangangako masunod lamang nila ang nais, gayaw ka pa ba sa mga nginging ginamit kahapon, sa mga yakap na ginawa kamakalawa, sa mga pangakong napako kanina, sa mga tamis ng dilang ipinalasap kani-kanina at sa masasarap na bukang bibig na ginawang sagisag kahapon? ¿Anong ibinunga?—Aywan ang sagot ni Bakokoy.—Ang ibinunga: ¿alam mo? ang sabi ni Kamagong: pawang hapis, pawang dalamhati at lubang walang lagot. Kahapon ako nakadinig sa bibig ng gaya ni Kadiliman na... bibihisan ang aking ina, tuturuan ang aking kapatid, hangang sa kukunin ang independencia, kapag siyang malalagay sa tungkol; ang lahat ng ito'y naging bunganga lamang. Kaya ang kahuli-hulihang ipagbibilin ko sa iyo'y ito: «ang tunay na pag-ibig hindi bumubukal sa bibig, kundi sa puso; ang lahat ng mabuting nasa hindi nakukuha ng bunganga, kundi sa gawa.»—¿Bakit ipinangangako ni Kadiliman, na makukuha ang independencia, pag siya ang nagkaroon ng tungkol?—Ulol, ang pasalág na sabi ni Kamagong, ang dapat mo anyang asahan, iyong inasahan ng ating mananakop na Rizal, nang siya'y na sa Madrid na sinabi sa kanya ng mga *republicano* doon ng taong 1882 (1) *Ang Kalayaan ó pagsasarili, na hihingi ng bala at hindi ng pamamalingkahod*. Kaya kailan man makadidinig ka ng salitang hihingi ng bibig ang *independencia* umungol ka, saka ikaw ay sumagot ng baka nga sakali. Sapagka't si Moisés nang bigyan ng Diyos ng Kasarinlan upang siyang magtanghal ng sampung utos ng Diyos ay nakaupo sa likod ng kalabaw, baka sakaling

ganito din ang mangyari kay Kadilimnn, siya tayo na, umalis ang dalawa sa bahay ni Kadiliman nang walang paalam.

XII.

Nang naglulubha si Kadiliman


Si Kadiliman ay nakahiga sa isang gulanit na banig, at halos walang makain, taglay ng pagdadalitang kanyang sinasayod, mula ng makaraan ang may dalawang buan ng paghahalalan, na sanhi sa pag-gugugol nitó sa kanyang kandidatura ay naipagbiling lahat ang kanyang ari-arian at hindi siya ang lumabás, kaya't siyang naging mula ng sakít niyang pagka hibang at pinaglalaruang palagi siya ng mga demonyo at kalulwa ayon sa kanyang panaginip, pagka't nililibon-libon sa lagnat, si Lolay na kanyang asawa ay nakapangalumbara sa palababahan ng bintana at binabantayan ang kahapis-hapis na may sakít.

Nang nag-aagaw gising sa pagtulog si Kadiliman ay nanaginip na siya'y linapitan ng Kaluluwa ng isang Frayleng may taglay na lubid na kabo-negro, at nagsalita ng: ¡Kadiliman! ¡Kadiliman! magsisi ka na ng iyong mga kasalanan, ako ang biyenang mong iyong ipinangangalandakan ng sama, kaya't ang manahin mo na lamang ay ang aking solar at bahay, huwag na ang aking kasamaan; tinatalian sa paa si Kadiliman ng kabo-negro, samantalang sinasabi ang salitang itó; sumagot si Kadiliman ng binabatak ang hininga, nagsisisi na po ako *Papá*, lumayo ka na lamang sa akin at siyang paglapit ng mga kalulwa ni Rizal, Burgos at Zamora, taglay ang tig-isang ilaw, lumapit sa kanang dako ng kinahihiligan ni Kadiliman, ayon sa kanyang panaginip at nangagsabing: Hindi ba iniwan namin sa Filipinas ang iba't ibang tanglaw upang pagliwanagan ang napadadalá pa sa ulap


nḡ kasamaan? ¿Bakit ipinaghahanap buhay mong palagi ang aming nḡalan? magsisi ka at malapit nḡ pumanaw ang buhay mo Kadiliman; siyang pagdating nḡ tatlong demonyong naglalakihan ang sungay na may mḡa taglay na sibát at inaasintá ang puso ni Kadiliman, zaka nangagsalita nḡ... sapagka't masamang budhî ka sa iyong mḡa kabalayan at madalás mong ululin, ang puso mo ang aming sisibatín, inakmaan nḡ sibát, hindi pa halos umaabót sa dibdib ni Kadiliman ang saksak ay napasigaw nḡ: patawarin ninyo ako't di ko nalalaman ang aking ginawâ; siyang pagkagising ni Kadiliman at humingî nḡ tubig sa asawang nalulunos, kumuha kapagdaka si Lolay at pinainom ang kaawa-awang maysakit, nḡ matapos makainom, tinanong ni Lolay nḡ: ¿Anong nangyayari sa iyo't ga ikaw ay naghihinagpós?—¡Oh asawa ko! ang naitugon, kakila-kilabot na bungang tulog ang sa aki'y dumalaw, panaginip na nagbigay gambala sa ating sinasaad ngayong pagdaralita.—Salitin mo sa akin, asawa ko, ang palambing na usisa ni Lolay.—Ayon sa aking panagimpan, ang pasimulang pagsasalita ni Kadiliman, ako'y dinalaw nḡ mḡa kalulwa nila Burgos, Zamora at Rizal at ako'y pinangaralan at ganitó ang pangaral na sa akin ay sinabi: ¿Bakit mo tinatakpan ang matá nḡ ating mḡa kababayan, nḡ ikaw lamang ay maluklok sa trono nḡ panunungkol? ¿Hindi ba nangangalisag ang iyong mḡa balahibo, na sa tatlong daang taóng mahigit, na pinagharian nḡ kadiliman ang ating bayan, na siyang dahil nḡ pagkakalupasáy sa hrap nḡ mḡa bálo't ulila nḡ dahil sa kanya'y pag-ibig, at nḡayo'y siya mo pang uululin? ¡Ay asawa ko! ang pabuntong hiningang sabi ni Kadiliman, samantalang ito'y itinatanong sa akin nḡ mḡa kalulwa ay tinatalian ang aking mḡa paa't kamay, at siyang pagdatal nḡ mḡa demonyo na buhat yata sa Infierno at ako'y kinakalawit at pinapandilat ang mḡa matá nabinubukalán


n̄g mistulang apoy, at gayari ang sa akin na ipinag-
turing: ¡Kadiliman! ¡Kadiliman! sasama ka sa amin
n̄gayon din, sapagka't ang kalulwa mo'y na sa amin
n̄g kaharian, dahil sa sala mong magsisisunod: Una,
ikaw ang nangakong kukunin mo ang independencia
pag ikaw ang naging punô; ikalawa, madalás kang
bumili n̄g botos. ito'y nalalaban sa kautusan n̄g Diyos
at kautusan n̄g tawo; ikatlo, ikaw ang nangagahis sa
layâ n̄g tawo, ikaapat at huli, ikaw ang nagnanais
na kung ikaw ang naluluk-lok sa panungkol, darag-
dagan mo pa n̄g lalong hrap ang iyong kababayan,
kaya't ang kahariang ito'y hinatulan ka n̄g kahit
ang katawan mo'y buhay, dapat ang kalulwa mo'y
kunin namin at dalhin sa bayang Infierno, kilanlin
mo: LUCIPER HARI SA INFIERNO, matapos na
sa aki'y masabi ang m̄ga kahatulang ito, kinalawit
ako n̄g dalawa at sasaksakin ni Lucifer naman ang
aking puso, dahil sa siya daw ay may kabulukan, ako'y
napasigaw n̄g.... patawarin ninyo ako't hindi ko na-
lalaman ang aking ginawa, siya kong pagkagising;
kaya asawa ko, yayamang wala na din lamang akong
sukat ikaguinhawa dito sa lupa at doon man sa langit,
ako sa iyo'y nagpapaalam, niyakap ni Kadiliman si Lo-
lay at sakâ sinungaban ang sundang na nasa kanyang
lapít, at saka nagsadita: Ang kalulwa ko'y nasa in-
fierno na, ang katawan ko'y nandito pa sa lupa;
n̄guni't naubos na ang aking mangâ kaibigan mula
n̄g ako'y maghirap, mabuti! ¡¡¡magpatiwakal!!! umak-
mang sasaksakin ang kanyang dibdid, napasigaw si
Lolay n̄g: ¡Asawa ko! at pinigilan ang kamay na
may sundang, hwag ka anyang gumawâ n̄g ganyan
dahil sa walang ibang gumawa niyan kungdi si Judas
lamang, na nagtakal kay Cristo sa halagang tatlong
pung.... salapi kaya't walâ kang mabuting gawin,
yamang nakilala mo na ang hari sa infierno at ang
gawa ni Judas, dapat layuan ang m̄ga bagay na

iyong ninanasa, dahil sa ito'y hindi mabuti; at walang mainam gawin tayo kundi ang magtrabajo, magpatak ng pawis, umibig ng tunay na pag-ibig sa bayan kinamulatan, yayamang ang bining kaliwagan na ibininhi ng mga martir sa sarili, ay siyang mapangangatigang tanglaw na maliwanag, upang tumungo sa landas ng ligaya. Mulâ sa ngayon, asawa ko, ito ang aking gagawin, ang pakli ni Kadiliman.— Kung gayon, ay tayo na ang sagot ni Lolay, paalam sa inyo bumabasang guiliw.



E. Asuncion
Maynila, 1 Hulyo 37







UNIVERSITY OF MICHIGAN



3 9015 05149 4956

